


KASAYSAYAN NG KAPILIPINUHAN

Bagong Balangkas

Zeus A. Salazar



Lunsod Quezon
Disyembre, 2004

COPYRIGHT

Dr. Zeus A. Salazar

2004

RESERBADO ANG LAHAT NG KARAPATAN

Sarili ng May-akda ang lahat ng karapatan sa buong Balangkas na ito. Hindi maaaring kopyahin ninuman ang buong Balangkas o sipiin ninuman ang alinmang bahagi ng Balangkas sa anumang paraan o kaya gamitin ninuman ang Balangkas sa alinmang layunin nang walang nakasulat na pahintulot ng May-akda.



Bagong Kasaysayan

Lunsod Quezon

2004

KASAYSAYAN NG KAPILIPINUHAN

Bagong Balangkas

(Karapatang Sipi 1991/1999/2000/2004)

Dr. Zeus A. Salazar

Panimula

Ang kasaysayan ng Pilipinas ay mahahati sa tatlong panahon o bahagi -- ang Pamayanan (h-k. 500,000/250,00 BK – 1588 MK), Bayan (1588 -1913) at Bansa (1913 - kasalukuyan).

Ang **PAMAYANAN** ay binubuo ng limang kabanata at tumatalakay sa paglitaw ng sinaunang pamayanang Pilipino, **mula sa** pagsulpot ng unang tao (h-k. 500,000/250,000-7,000/5,000 BK) sa kapuluan -- **magdaan sa** 1) pagdating at pamamalagi sa Pilipinas ng mga Austronesyano (h-k. 7,000/5,000 BK h-k. 800 BK) na ang dala-dalang mga kagamitan, kaalaman at kasanayan sa iba't ibang larangan ng pamumuhay ay magiging pinakabatayan o haligi ng uusbong na kalinangang Pilipino; at 2) sa pagkabuo ng sinaunang Kabihasnang Pilipino (h-k. 800 BK – 1280 MK) na natatangi dahil sa namamayaning kalinangang mana mula sa mga ninunong Austronesyano at dahil sa ang panahong ito ang simula ng **pagsasambayanan** (pagbubuo ng mga estadong bayan o etniko), at ng paglawak ng kalakalan sa loob ng Pilipinas at sa pagitan nito at mga karatig-bayan -- **hanggang sa** simula ng paglaganap ng Islam sa Sulu, Magindanaw at Maranaw na aabutan ng unang pagsapit ng Kristiyanismo sa Sugbu at ilan pang lugar sa hilagang Mindanaw (h-k. 1280 MK - 1588). Sa pagpasok ng ika-16 na dantaon, masasalamon sa mga pamayanang nabuo ang kaunlaran at kayamanan ng kabihasnang Pilipino sa lahat ng aspeto ng lipunan -- kalinangan, pananampalataya, pulitika, at ekomoniya.

Nakatuon naman ang limang kabanata ng **BAYAN** sa pagkabuo ng estadong pangkapuluan sa batayan ng paglawak ng estado o **sambayanan** ng Maynila na sasaklaw bilang “*estadong kolonyal*” sa malaking bahagi ng kapuluan (hanggang 1896), habang nananatiling palaban dito ang nalalabing mga estadong etniko (**sambayanan**) ng Tausog, Magindanaw at Maranaw, kasama na ang iba pang “malalayang” grupong etnolingguwistiko (kabayanan) na taal sa Pilipino. Tatalakayin ang yugtong ito ng pagkabuong pulitikal ng archipelago, mula sa krisis na daranasin ng (mga) pamayanang Pilipino (1588-1663) patungo sa pagpapalaganap ng mga *comandancia militar*, *pueblo*, *villa* at *ciudad* na Kastila bilang bagong pag-aanyo ng mga batayang pamayanan o bayan ng Kapilipinuhan (1663-1745); sa pagbalik at panimulang paglampas sa estadong etniko (**pagsasambayanan**) na isasagawa ng ilang mga **kabayanan** (Katagalugan, Kailukuhan, Sulu, Bohol, at iba pa) bilang batayan ng pagkakaisa laban sa estadong “kolonyal” (Kastila) na nasasalalay sa estado ng Maynila ni Sulayman-Rajah Matanda (1745-1807).

Masasabing magsisimula sa panahong ito ang pagkabuo ng kapuluan sa batayan ng pinalawak na dalumat ng “**bayan**” na pagdating ng panahon ay magkakaroon ng anyong pangkapuluan sa adhikaing Inang Bayan ni Bonifacio. Nakaugat pa ang prosesong ito sa panahong Austronesyano; samantalang ang paglaganap ng ideyang Europeo/kanluranin ng “*nación*” ay lilitaw lamang sa panahon ng “Bayang Pilipino: Katutubo at Banyaga” (1807-1861), bagay na magbibigay-daan sa pagkakahati ng lipunan sa dalawang magkatunggaling kalinangan, kamalayan at puwersang sosyo-pulitikal at pang-ekonomiya -- ang taal na *bayan* at ang inangkat mula sa Kanluran na *nación* (1861-1913). Dulot nito, magkakaroon ng magkaibang direksyong ekonomiko-pulitikal at panlipunan ang bagong kabuuang sosyo-pulitikal ng Kapilipinuhan sa pagsapit ng ika-20ng dantaon.

Ito ang paksa ng **BANSA** (1913 – kasalukuyan). Nasasalalay ito sa paglaganap ng hangarin ng mga elit (nangangastila sa simula at Inglesero pagdating ng oras) na mabuo ang bansa sa direksyong itinakda ng *nación* (nasyon) na dulot ng Propaganda -- na ang simula ng pamamayani sa larangang pulitikal ay bunga ng kudeta nina Aguinaldo sa Tejeros at ang pagpatuloy nito sa pagdating nitong huli sa Pilipinas noong Mayo 19, 1898 lulan ng isang boke-de-giyerang Amerikano, matapos isuko ang Himagsikan noong Disyembre 1897 sa Biak-na-Bato -- habang patuloy pa ring adhikain ng Bayan ang masaklaw ang Kapilipinuhan sa loob ng isang bansa bilang pinalawak na Inang Bayan. Tema ng dalawang patunguhan ang “kalayaan” at “kasarinlan.” Mas nakatuon sa “kasarinlan” (bilang “pagsasarili” at “identidad”/“kakanyahan”) ang (mga anak ng) Inang Bayan, samantalang mas importante ang “kalayaan” (bilang “independensya” o “kalayaang pulitikal” o/at pang-ekonomiya) para sa mga nagtataguyod ng “nasyon.”

Ang apat na kabanata ng **BANSA** ay tumatalakay sa adhikaing mapalaya ang sarili, ang makapagbukod at magkaisa/mapag-isa ang Kapilipinuhan (1913-1946); sa paggawad ng “kalayaan” sa kaelitan ng Pilipinas at sa kinalabasan nitong malaking pagsubok sa estadong nasyonal dulot ng krisis sa identidad at sa sistemang panlipunan (1946-1972); sa paghahanap ng “kasarinlan” sa ilalim ng Batas Militar bilang lihis na landasin (1972-1986); at sa pagtutuwid nito sa pamamagitan ng pagbabalik sa “demokrasya” at patuloy na pagharap sa suliranin ng kasarinlan (bilang identidad/kakanyahan at tunay na pagsasarili) at “kaunlaran” (1986-kasalukuyan), kung kailan lalong magiging malinaw ang kontradiksyon sa pagitan ng kaelitang pulitikal at pang-ekonomiya na may kulturang Kanluranin (Inglesero) at ng Bayang tapat sa sariling (mga) wika at kalinangan.

Dayagram 1
KASAYSAYAN NG KAPILIPINUHAN
Bagong Balangkas

INTRO-DUKSYON	Unang Bahagi PAMAYANAN (H-K. 500,000/250,000 BK- 1588 MK)	Ikalawang Bahagi BAYAN (1588-1913)	Ikatlong Bahagi BANSA (1913-Kasalukuyan)	KONKLUSYON
A. Bakit, Para Kanino, Papaano B. Kalagayan at Kapaligiran K. Pagkabuo ng Kapuluan D. Buod ng Aklat	<p>Panimula: Ang Pagkabuo ng mga Estadong Bayan</p> <p>I. Sicalac at Sicavay: Sinaunang Pilipino (h-k. 500,000/250,000 BK – h-k. 7,000/5,000 BK)</p> <p>II. Ang mga Austronesyano sa Pilipinas (h-k. 7,000/5,000 BK – h-k. 800 BK)</p> <p>III. Sinaunang Kabihasnang Pilipino (h-k. 800 – 1280 MK)</p> <p>IV. Estadong Bayan sa Paglaganap ng Islam (h-k. 1280 – 1588)</p> <p>V. Kabihasnang Pilipino sa Ika-16 na Dantaon</p> <p>Pagbubuod: Kalinangan, Pamayanan at Sambayanan (Pagbuo ng Estadong Bayan o Etniko)</p>	<p>Panimula: Ang Pagkabuo ng Estadong Pangkapuluan</p> <p>VI. Krisis ng Pamayanang Pilipino (1588-1663)</p> <p>VII. Bayan, Pueblo at Ciudad: Bagong Pamayanan (1663-1745)</p> <p>VIII. Batayan ng Pagkakaisa: Balik sa Estadong Bayan (1745-1807)</p> <p>IX. Bayang Pilipino: Katutubo at Banyaga (1807-1861)</p> <p>X. Bayan at <i>Nación</i> (1861-1913)</p> <p>Pagbubuod: Kalayaan at Kasarinlan</p>	<p>Panimula: Nasyon at Bayan sa Pagbubuo ng Bansa</p> <p>XI. Iisang Adhikang Kalayaan: Magkasalungat na Pagbubuklod (1913-1946)</p> <p>XII. Estadong Nasyonal at ang Pagbubuong Bayan (1946-1972)</p> <p>XIII. Paghahanap ng Kasarinlan: Lihis na Landasin (1972-1986)</p> <p>XIV. Paghahanap ng Kasarinlan: Masalimuot na Pagtutuwid ng Landas (1972-2004)</p> <p>Pagbubuod: Nasyonalismo, Pagkamakabayan at Diwang Pambansa</p>	<p>Perspektiba: Kabuuan at Pambansang Kabihasnang</p>

PAMAYANAN
Ang Unang Yugto
ng Kasaysayan ng Kapilipinuhan
(h-k. 500,000/250,000 BK - 1588 MK)

Ang pamayanan ay ang pagkakaugnay-ugnay ng mga sinaunang Pilipino bilang mga simpleng grupo, bayan at sambayanan o estadong bayan. Sa simula ng ating kasaysayan noong h-k. 500,000/250,000 BK, ang yaman ng ating kalinangan ay masasalamain, higit sa lahat, sa mga labing arkeolohikal at sa mga mito't kaalamang-bayan ng mga sinauna't kasalukuyang komunidad [Kabanata I]. Sa pagdating ng mga Austronesyano, nagkaroon ng malaking pag-unlad ang kalinangan. Sa paglitaw ng mga metal tulad ng ginto at bakal, napaunlad nang husto ang mga pinamana ng mga ninuno sa larangan ng agrikultura, pagpapalayok, pagpapanday at iba pa [Kabanata II]. Dahil sa mga pag-unlad na ito, umusbong ang sinaunang kabihasnang Pilipino [Kabanata III] na may angkop na pantayong pananaw ang bawat pamayanan. Nagkaroon na rin ng mga pakikipag-ugnayan o komunikasyon sa mga karatig na lugar at ng pakikipagpalitan ng mga kalakal, bagay at ideya mula at patungong Tsina at Timog-Silangang Asya.

Sa dulo ng panahon ng Pamayanan ay lalaganap ang Islam sa Sulu (h-k. 1280 MK) at ang maagang Kristiyanismo sa Sugbu (1521) at Maynila (1572) [Kabanata IV]. Sa pagpasok ng ika-16 na dantaon, buo na't maunlad ang kabihasnang Pilipino. May patunguhan na rin ang pagbubuo ng estadong Pilipino bilang *sambayanan* [Kabanata V].

Kabanata I

Sicalac at Sicavay: Sinaunang Pilipino (h-k. 500,000/250,000 BK – 7,000/5,000 BK)

h-k. 1,000,000 - h-k. 7,000 BK	h-k. 250,000 BK.	h-k. 150,000 - h-k. 100,000 BK	h-k. 28,000 - h-k. 7,000/5,000 BK
Ang Heyograpikong Kalagayan ng Pilipinas noong Pleistocene	Paleolitiko: Cagayan at ang <i>Homo erectus</i>	Novaliches, Rizal, Batangas: Maagang <i>Homo sapiens</i>	Palawan at ang <i>Homo sapiens sapiens</i>

Naipaliliwanag ng mga pamayanang Pilipino ang kani-kanilang pinagmulan sa pamamagitan ng mga mitolohiya't kuwentong bayan. Pinakapopular sa mga ito ang mito tungkol kina Malakas at Maganda kung saan nakasaad na ang mga ito, bilang sinaunang mga magulang, ay nagmula sa kawayang biniyak sa tuka ni/ng Tigmananukin. Di nalalayo rito ang kuwento tungkol kina Sicalac at Sicavay ng mga “Yligueynes” (Hiligaynon) at sa unang mag-asawang Mandaya. Gayumpaman, mas siyentipikong mailalarawan ang panahon ng sinaunang Pilipino sa pamamagitan ng mga labing arkeolohikal, *fossil* (hayto) man o *artefakt* (liktáo).

Ang Pleistocene (h-k. 1,000,000 - h-k. 7,000 BK)

Ang panahong ito ay kinakitaan ng malalaking pagbabagong heolohikal at pangkalinangan. Tampok dito ang paglitaw ng “*continental shelves*” sa iba't ibang bahagi ng Timog Silangang Asya. Naipaliliwanag ang paglitaw na ito sa pagsiyasat sa mga piryodong

glasyal at inter-glasyal. Sa panahong glasyal, nagyeyelo sa matataas na lugar ng mundo at dulot nito, bumababa ang lebel ng tubig dagat. Dahil sa pagbaba ng tubig-dagat na nakapaligid sa kontinente ng Asya at Australya naglilitawan/nabubuo ang malalaking lupaing dating nakalubog sa dagat ang ilang bahagi (kapuluan): ang Sundaland, Sahulland at Wallacea. Itong huling teritoryo ay nasa pagitan ng unang dalawa.

Bahagi ngayon ng Asya ang Sundaland. Binubuo ito ng mga rehiyong nakapaloob sa Sunda shelf. Nagsisimula ito sa tangway ng Malaya patungong Sumatra, Dyawa, Kalimantan, Palawan at ibang maliliit na pulo tulad ng Kapuluang Riau at Lingga.

Ang Sahulland naman ay binubuo ngayon ng Irian (New Guinea) at Australya kung saan kabilang ang ilang lupaing malapit sa Timor. Samantala, ang Wallacea ay matatagpuan sa pagitan ng Sundaland at Sahulland, mula sa Lumbok at Bali patungong Sulawesi, Molukas, baybay-dagat ng Kalimantan at liliko sa ibayo ng mga pulo sa pagitan ng Sulawesi at Mindanaw, gayundin ang Sulu, kanlurang baybay-dagat ng Luzon hanggang sa mga pulo ng Batanes.

Ilang bahagi ng tatlong malalaking lupain o teritoryong nabanggit ay lumilitaw at lumulubog sa bawat glasyal at interglasyal. Sa huling dako ng panahong pleistocene, nagkaroon ng mga pagsabog ng bulkan at paggalaw ng mga “plates” sa ilalim ng lupa. Nasa isang panahong interglasyal tayong kasalukuyan.

Pinaniniwalaang ang pagdating at paglaganap ng tao, hayop at halaman ay sa pamamagitan ng pagtawid ng mga tulay-lupa na nagdurugtong sa mga kalupaan sa mga panahong interglasyal. Taglay ng mga sinaunang tao ang kanilang uri ng pamumuhay at mga halaman at hayop mula sa pinanggalingang lugar.

Cagayan at ang Homo erectus philippinensis (h-k. 500,000/250,000 BK)

Ipinapalagay na ang mga sinaunang taong nanirahan sa Pilipinas ay nabuhay noong h-k. 500,000/250,000 BK. Gumamit sila ng mga magagaspang na kasangkapang bato. Sa Cagayan natagpuan ang kasalukuyang pinakamatandang katunayan ng kanilang pag-iral. Bagamat walang haytong natagpuan sa lambak ng Cagayan, ang mga artefakt o kasangkapang bato at labi ng ilang mga hayop dito ay maihalalintulad sa mga labi at kagamitan ng *Homo erectus javanensis*.

Novaliches, Rizal at ang maagang Homo sapiens (150,000 - 100,000 BK)

Natagpuan sa Novaliches, Rizal, at Batangas ang mas makikinis at mas matutulis na kasangkapang bato. Ang mga taong nanirahan sa mga naturang lugar ay ipinapalagay na nasa baitang ng *Homo sapiens*, kumpara sa *Homo erectus* ng Cagayan.

Palawan at ang Homo sapiens sapiens (28,000 - 7,000/5,000 BK)

Sa Yungib Tabon sa Palawan natagpuan ang mga pinaka-kongkretong ebidensya ng modernong tao. May natagpuang mga hayto (partikular, ang bao ng bungo at panga ng isang babae), kagamitang mas maayos kaysa sa mga gamit ng *Homo erectus* at *Homo sapiens*. Ang uri ng tao ay *Homo sapiens sapiens*. Batay sa natagpuang uling masasabing gumamit din sila ng apoy.

Kabanata II
Ang mga Austronesyano sa Pilipinas (h-k. 7,000/5,000 BK - h-k. 800 BK)

Huling Pleistocene	Bago h-k. 7,000/5,000 BK	h-k. 7,000/5,000 – h-k. 4,500 BK	h-k. 4,500 – h-k. 1,500/1,300 BK	h-k. 1,500/1,300 – h-k. 800 BK
Hoabinhia at Matandang Melanesya	Unang Duyan ng Paglaganap ng Austronesyano	Kalinangang Austronesyano sa Pilipinas	Pangalawang Duyan ng Paglaganap ng Austronesyano	Bagong Kalinangang Austronesyano

Hoabinhia at Matandang Melanesia (Huling Pleistocene)

Hoabinhia ang tawag sa kasalukuyang kinatatayuan ng Timog Tsina at Hilagang Vietnam. Mahalaga ang Hoabinhia dahil may natuklasang kulturang paleolitiko rito.

Matandang Melanesia naman ang tawag sa ngayong kilala bilang Insulinde o Indo-Malaysia (kasama ang Pilipinas).

Unang Duyan ng Paglaganap ng Austronesyano (Bago h-k. 7,000/5,000 BK)

Mahalaga ang Hoabinhia at ang Matandang Melanesya sa pag-intindi ng dalawang teorya ukol sa pinagmulan at paglaganap ng mga Austronesyano, ang pinagmulan ng mga Pilipino, Indones, Malayo at mga taga-Pasipiko (Mikronesya, Melanesya at Polynesya). Ayon sa una at mas laganap na teorya, nagmula ang mga Austronesyano sa Hoabinhia at lumipat/lumaganap sa Taiwan bago tumuloy sa Pilipinas at, mula rito, tumungo sa Pasipiko, Indo-Malaysia at Madagaskar. Ang ikalawang teorya naman ay nagsasaad na nagmula sa Matandang Melanesya mismo (sa partikular, sa rehiyon ng Timog Pilipinas at Silangang Indonesya) ang mga Austronesyano o Nusantao at lumaganap mula rito patungong Taiwan, Indonesya, Mikronesya at Polinesya. Dahil mas nakatuon sa mga datos, mas pinaniniwalaan sa ngayon ang unang teorya.

Kalinangang Austronesyano sa Pilipinas (h-k. 7,000/5,000 - h-k. 4,500 BK)

Tumutugma ang pagpasok ng mga Austronesyano sa Pilipinas sa panahong Neolitiko. Kasangkapang batong pinakinis ang kalakaran sa panahong ito. Ginamit ito ng mga Austronesyano sa paggawa ng mga sasakyang pandagat na kanilang ginamit sa paglipat-lipat ng lugar. Ang tipikal na mga kasangkapan sa paggawa ng bangka (*wangka*) ay mula sa *tridacna gigas*, mga kabibeng malalaki. Mga halamang ugat ang pinakalaganap na pagkain ng mga Austronesyano. Ilang halimbawa nito ang gabi at ube.

Pangalawang Duyan ng Paglaganap ng Austronesyano (4,500 - 1,500/1,300 BK)

Tinataya na bandang 1,500 BK nakarating na ang mga Austronesyano sa Polinesya; noong h-k. 4,000 BK nagsimula ang kanilang migrasyon tungo rito, habang 4,500 BK silang tumulak patungong Indo-Malaysia. Sa pagitan ng 4,500 BK at 1,500 BK, samakatuwid, naging pangalawang duyan ng paglaganap ng mga Austronesyano ang Pilipinas. Sa Duyong Cave may natagpuang isang kalansay na nakalibing sa isang “fetal” na posisyon na tinatayang may tandang 2,800 BK. May katabing kagamitan itong gawa sa *tridacna gigas* na pagdating ng oras ay naging tipikal sa Polinesya. May nakita ring apog na ginagamit sa nganga, patunay na noon pang

2,800 BK ay nagnganganga na ang mga Austronesyano sa Pilipinas. May natagpuan din sa Sulu na mga bibinga (*shard*) ng palayok na may bahid na pula, tulad ng sa kapalayukang Lapita sa Polinesya pagkatapos.

Bagong Kalinangang Austronesyano (1,500/1,300 - 800 BK)

May dalawang katangian ang panahong ito: ang paglitaw ng palay at ng paglilibing sa tapayan sa bandang 1,500 BK. May ilang implikasyon ang paglinang ng palay. Una ay mapipilitang magkaroon ng permanenteng mga tirahan ang mga Austronesyano. Kinakailangan ang pagbabantay sa mga tanim upang maalagaan. Maliban na lamang sa palay-kaingin na hindi nangangailangan ng tubig, ang palay ay nangangailangan ng mas maunlad na sistema ng irigasyon at pagsasaka. Ito ay masusuportahan ng paglitaw ng mga metal sa susunod na panahon (Kabanata III).

Ang paglilibing sa tapayan ay isa ring katangian ng bagong kalinangang Austronesyano sa Pilipinas. Sa ganitong sistema ay may dalawang paglilibing na nagaganap. Una ay inililibing ang mga patay upang paagnasin ang laman ng bangkay. Sa pangalawang paglilibing ang mga buto ay lilinisin at ipapasok sa tapayan bago muling ilibing.

Kabanata III
Sinaunang Kabihasnang Pilipino (h-k. 800 BK - h-k. 1280 MK)

h-k. 800 – h-k. 200 BK	h-k. 200 BK – 900 MK	900 – h-k. 1280 MK
Sa Bungad ng Pagbabago	Pagbabagong Anyo at Pakikipag-ugnay	Estadong Bayan at Ibayong Dagat

Sa Bungad ng Pagbabago (800 - 200 BK)

Tinatayang mula 800 BK ay nagsimulang maging laganap ang mga metal na hindi pa bakal. Ang ilan sa mga uri ng metal na ito ay ang ginto, tanso at ang tansong dilaw. Dekorasyon ang naging pangunahing gamit ng mga ito at hindi gaano natuon sa pagiging kasangkapang pangkabuhayan.

Sa panahong ito mas naging uso ang paggawa ng mga palayok na laganap na noong una sa paglilibing sa tapayan. Ang paglilibing na ito ay madalas na iginagawad sa di-pangkaraniwang mga mamamayan. Ginagamit din ang mga kabaong na gawa sa kahoy.

Palatandaan din sa mga libingan sa panahong ito ang mga manik (*beads*) na karnelyan. Hindi lang pandekorasyon ang makukulay na manik, ginamit din ang mga ito bilang anting-anting ng mga sinaunang Pilipino.

Pagbabagong Anyo at Pakikipag-ugnay (200 BK - 900 MK)

200 BK ang tinatakdang petsa ng paglitaw ng bakal sa Pilipinas. Bagamat may ilang nagsasabing 300 BK pa ginagamit na ang bakal, ang petsang 200 BK ay pinili dahil na rin sa petsang karbon 14 na nakuha sa isang sampol mula sa yungib ng Manunggul.

Ang pagtunaw ng bakal ang isa sa pinakamahalagang prosesong natutunan sa panahong ito kaya ang bulusang malayo ay karakteristiko sa panahong ito. Gawa sa dalawang pahabang kawayan, ang may hawak ay maaaring magbomba ng hangin sa bago upang palakasin ang apoy na tutunaw sa bakal.


Ang pagkabihasa sa paggamit ng bakal ay nagdala ng kaunlaran sa pangigisda, pangangaso at sa agrikultura. Ang Terasang Palayan ng mga Ifugao ay isang halimbawa ng isa sa mga kaunlaran sa agrikultura ng mga panahong iyon. Nakagawa rin sila ng sistema ng irigasyon dahil na rin sa mas maunlad na kasangkapan.

Nakahabi rin sila ng tela mula sa halamanan higit sa lahat mula sa abaka.

Maipapalagay na nagsimula ang pagsasambayanan o pagbubuo/pagkabuo ng mga estadong etniko (sambayan) sa panahong ito at lalo pa sa susunod na panahon (900 – h-k. 1280 BK) [tingnan ang MAPA].

MAPA

Mga Pangunahing Pagsasambayanan o Pagbubuo ng Estadong Etniko mula sa Pagsapit ng Panahong Kristiyano hanggang 1000 MK kaugnay ng Ruta ng Kalakalan



Estadong Bayan at Ibayong Dagat (900 – h-k. 1280 MK)

Hindi maitataguyod ng mga sinaunang Pilipino ang kanilang pakikipag-ugnayan sa mga estado sa ibayong dagat kung hindi nila napaunlad ang kanilang kaalaman sa paggawa ng mga sasakyang pandagat. Balanghay ang tawag sa isa sa mga sasakyang-dagat na ito. Sa Butuan ay may mga nahukay na labi ng mahahabang bangkang gawa sa mga tablang pinagdikit-dikit sa pamamagitan ng mga pakong kahoy na ipinasak sa mga butas. Tinatayang 300 MK - 900 MK ang pinagmulang panahon ng mga ito.

Dahil sa pag-unlad na ito ay naitatag ng mga estadong bayan ang isang sistema ng komersyo sa pagitan nila mismo at ng mga bayan sa ibayong dagat. Lumitaw ang mga sistema ng pamahalaan at organisasyon. Lumaganap din ang mga sistema ng pagsusulat. Sa ilog Lumbang, Laguna ay may natagpuang 20x30 cm na *copperplate* na may nakasulat na kasunduan sa tila pinaghalong Malayo, Tagalog at Javanese. Mahalaga ang *copperplate* na ito hindi lamang dahil sa patunay ng sa pagkakaroon ng sistema ng pagsusulta kundi mahalaga rin ito dahil sa mga lugar na tinutukoy rito bilang kasama sa komersyo ng nasabing panahon. Ang Tundun (Tondo), Puliran (Pulilan, Buacan) ay iilan lamang sa mga lugar na nabanggit sa Laguna Copperplate, malamang bilang mga bahagi ng isang pagsasambayanan sa Bulakan at Kamaynilaan. 900 MK ang petsa ng Laguna Copperplate.

Kabanata IV Ang Estadong Bayan sa Paglaganap ng Islam (h-k. 1280 – 1588)

1280 – 1380	1380 – 1450	1450 – 1515	1515 – 1588
Tuan Masha'ika: Maagang Islam	Karim-ul-Makhdum: Pag- uugat ng Islam	Sultan Abubakr: Pag- aangkin ng Islam	Sultan Kabungsuwan at Raha Sulayman: Kaibayuhan ng Islam

Tuan Masha'ika: Maagang Islam (h-k. 1280 – 1380)

Sa mga panahon bago sumapit ang 1280 MK ay hindi pa nakapapasok ang Islam sa Pilipinas. Sa mga panahong ito naging sentro ng komersyo ang Sulu. Dahil dito, napadpad si Tuan Masha'ika, isang Malay na Muslim. Sinasaad sa Henealohiya ng Sulu na itong si Tuan Masha'ika ang unang nagdala ng Islam sa Pilipinas. Ang *tuan* sa kanayang pangalan ay nangangahulugang “ginoo” at ang masha'ika ay nangangahulugang pinunong matanda. Tumira si Masha'ika sa Maimbung at napangasawa ang anak ni Rajah Sipad, isang pinuno (radya) ng Sulu. Sa kasal na ito sinimulan ni Tuan Masha'ika na pagsamahin ang mga tradisyong Muslim sa mga sinaunang kaugalian. Hindi lang dito makikita ang paghahalo ng Muslim at mga kaugaliang Austronesyano. Karamihan sa mga libingang Muslim sa Sulu magpahanggang ngayon ay may anyong bangka tulad ng sa iba pang lugar sa Pilipinas.

Karim-ul-Makhdum: Pag-uugat ng Islam (1380 – 1450)

Ang patuloy na pag-uugat ng Islam ay hindi magaganap kung hindi dahil sa patuloy na pagdating ng ibang mga Muslim na malakas ang naging impluwensya sa mga taumbayan ng Sulu. Isa na rito si Karim-ul-Makhdum. Siya ay sinasabing may galing sa mahika at tiningala

bilang isang guro at propeta. Nagpatayo siya ng moske sa Tubig Indangan sa Simunol, Tawitawi. Sinasabing sa Tandau banak nakalibing si Karim-ul-Makhdum.

Sultan Abubakr: Pag-aangkin ng Islam (1450 - 1515)

1450 nang dumating si Abubakr sa Pilipinas. Mula siya sa Palembang at nang dumating siya sa Sulu ay nakasama niya si Rajah Baginda. Pinaniniwalaang nakuha ni Abubakr ang titulong “sultan” ng mapangasawa niya si Paramisuli, ang anak ni Baginda. Sharif-ul-Hashim at Zein-ul-abidin ang ilan lamang sa mga titulo o katawagan ni Abubakr.

Ang pagpapatayo ng madrasa o paaralan ng Qur’an, ang isa sa mga kontribusyon niya sa pag-aangkin ng mga estadong bayan ng Sulu sa Islam. Ginamit ni Abubakr ang tradisyunal na pagtuturo ng mga propeta ng Qur’an na kung tawagin ay Hadith. Marami siyang tinuruang mga magiging guro ng pag-aaral ng Qur’an. Ang pinakamalaking impluwensya ni Abubakr ay sa pulitikal na aspeto ng Islam. Marami rin siyang mga kontribusyon sa mga batas ng Sulu ukol sa Islam at sa pamamahala.

Sultan Kabungsuwan at Raha Sulayman: Kaibayuhan ng Islam (1515 - 1588)

Mula kay Sultan Kabungsuwan hanggang sa mga radya/raha ng Maynila ang saklaw ng seksyong ito. Dumating si Kabungsuwan noong 1515 sa Maguindanao. Sinasabing ang kanyang pagkakasal sa mga anak ng mga pinuno ng mga karatig bayan ay ang naging batayan ng kanyang paghahari sa lugar. Malawak ang naging sakop ng kapangyarihan ni Kabungsuwan. Mula Maguindanao, umabot ito hanggang Cotabato at tumuloy pa sa Zamboanga.

Sa Maynila naman, nang dumating dito si Legazpi, sina Raha Sulayman at Raha Matanda ang malalakas na pinunong Muslim. Hindi ito katakataka dahil may kaugnayan sina Matanda at Sulayman sa Sultan ng Brunei na noon ay tumatangkilik sa Islam. Prinsipe ng Brunei si Raha Matanda na siyang tiyo naman ni Raha Sulayman.

Nasa ganitong antas ng kaayusan ang Maynila nang dumating ang ekspedisyong Kastila sa Pilipinas noong 1570. Si De Goiti ang namuno ng unang ekspedisyon na sinundan naman ng ekspedisyon ni Legaspi. Parehong hindi tinanggap ni Kabungsuwan ang mga ekspedisyon ngunit sa huli ay napilit nila si Sulayman na tanggapin ang mga dayuhan.

Sa panahong 1588 ay natuklasan ang isang pagsasabwatan ng mga radya mula sa Brunei at sa ilang taga-Maynila. Dahil sa pagkkatuklas na ito ay lalakas ang pagnanasa ng mga Kastilang palakasin ang kanilang puwersang militar sa Pilipinas at mauudlot ang paglagnap ng Islam sa karamihan ng mga bayan sa Luzon.

**Kabanata V
Kabihasnang Pilipino sa Ika-16 na Dantaon**

Ika-16 na Dantaon				
Ang Pamayanan: Isang Paglalagom	Kabuuan: Balanghay, Bayan at Pamayanan	Batayan: Datu, Babaylan, Bayani, Manghahabi/ Mamamalayok, Panday	Kapangyarihan: Hari, Radya, Sultan	Ugnayan: Ilog, dagat at Ibayong- dagat

Ang Pamayanan: Isang Paglalagom

Mailalarawan ang buong bahaging Pamayanan sa pagtalakay sa mga ***kabuuang*** sosyo-pulitikal ng mga Pilipino sa panahong iyon; sa mga batayan ng kapangyarihan at kabuhayan na matatagpuan sa panahong iyon; sa mga pinagmumulan ng ***kapangyarihan*** sa mga nabanggit na kabuuan; at sa mga paraan at daan ng ***pakikipag-ugnayan*** ng mga ito sa isa't isa at sa ibayong dagat.

Kabuuan: Balangay, Bayan at Pamayanan

Ang balangay ay madalas na napagkamalang isang uri ng kabuuang pulitikal, ngunit sa katunayan ito ay isang pagbubuklod ng isang kamag-anakan na ang pangunahing pakay ay ang pagpapataas ng produksyong agrikultural. Ang salitang balangay ay nangangahulugang bangka. Komunidad ito ng mga kamag-anak na pinamumunuan ng isang datu; sa simula maisasakay sila sa isang balangay.

Ang kaayusan sa mga balangay na ito ay mailalarawan sa tatlong uri ng mamamayan. Ang unang uri ay maginoo at dito nagmumula ang datu at ang kanyang pamilya. Ang timawa/maharlika naman ay ang uri na binubuo ng mga “malalaya.” Hindi sila alipin o kamag-anak ng datu, ngunit maaari silang mangalakal kasama nito at magbungkal ng lupa ng datu. Nagbabayad lamang sila ng buwis. Ang alipin ay nagsisilbi sa datu. Sila ay kadalasang mga bihag mula sa ibang mga nakaaway na grupo.

Bayan naman ang tawag sa isang grupo ng mga baranggay na nagsasanib puwersa dahil sa panahong digmaan, kalakal o dahil sa kasal. Ang pinakamalakas na datu sa isang bayan ang siyang tinatawag na hari; ito’y maaaring may kapangyarihan din sa ibang bayan. Tulad ng natukoy na, ang hari’y naging radya/raha at pagkatapos sultan sa ilang lugar.

Batayan: Datu, Babaylan, Bayani, Manghahabi/Mamamalayok, Panday

Ang pamumuno sa balangay ay nakasalalay sa datu. Madalas siya ang pinakamalakas, matalino at mayaman sa buong balangay.

Magkaugnay ang batayang datu at ang bayani dahil sa ang bayani ay ang naituturing na tagapagtanggol sa balangay laban sa karahasan, kaya kung hindi ang datu mismo ang nagiging bayani ng balangay ay mayroon siyang iilang bayani na inaatasan bilang tagapagtanggol ng baranggay. Katumbas na salita ng bayani ang “berani” ng Malayo.

Pagdating sa paggawa na mga kagamitan, ang panday ang batayan. Katulad ng bayani, ang salitang panday ay may katumbas sa ibang mga kabihasnang Austronesyano. Sa Sumatra, Indonesya, “pande” nangangahulugang bihasang kamay. Ang salitang ito naman ay nangangahulugang panday sa bakal para sa mga Javanese, tulay ng sa Tagalog at sa Bikol, kung saan “panday” rin ang “karpintero” o “anluwagi.” Karaniwang lalaki ang panday, samantalang babae naman ang manghahabi at mamamalayok. Nagkakatulong naman ang mga babae’t lalake sa agrikultura.


Sa astronomiya, relihiyon at medisina, ang babaylan ang batayan. Siya ang namamahala sa mga ritwal. Kinakausap din niya ang mga anito upang maitakda ang panahon ng pagtatanim. Siya rin ang namamahala sa pagdiriwang na isinasagawa para sa mga pumanaw na kababayan.

Ang bawat batayan na ito ay may iisang tungkulin. Tungkulin nila ang siguraduhing ang kaginhawaan ng buong baranggay. Sa aspetong pulitikal, ang datu ang namamahala. Sa kanyang


kasanayang militar, ang bayani naman ay nagpapairal ng kapayapaan at sa pamamagitan nito, kaginhawaan. Ang ginhawang dulot ng kalusugang espiritwal naman ay kapanagutan ng babaylan. Ang kasanayan ng panday sa paggawa ay siya ring nagdudulot ng kaginhawan sa pamamagitan ng mga sandata para sa mga mandirigma, kasangkapan sa paggawa ng mga sasakyang-dagat at sa paggawa mismo ng panday ng mga bahay. Nakatutulong din sa kaginhawahang materyal at pangkabuhayan ang mga manghahabi at mamamalayok. Lahat ay tumutuloy sa agrikultura na ang pinakabatayang yunit ay ang balangay.

Dayagram II
PAG-UUGNAY NG MGA DALUMAT NG KALULUWA AT GINHAWA
Sa Kabuuang Sosyo-Pulitikal sa Dating Kalinangan

A. Kaluluwa at Ginhawa



B. Ang Kabuuang Dati



Kapangyarihan: Hari, Radya, Sultan

Hindi ang datu ang pinuno ng pinakapayak na kaayusang pulitikal sa pamayanang Pilipino. Pinuno lamang siya ng balanghay bilang isang grupo ng kamag-anakan at mga kaugnay na tao. Ang hari ang siyang namumuno sa bayan bilang pagbubuklod-buklod ng mga balangay. Pinakamalakas na datu siya na nakuhang pagsama-samahin ang ilang mga datu.

Ang hari ay magiging radya/raha sa mga lugar na nagkaroon ng ugnayan sa Indomalaysia. Pagkatapos, pagsapit ng Islam, ang ilang radya'y magiging sultan sa paglawak ng kanilang teritoryo.

Ugnayan: Ilog, Dagat at Ibayong-dagat

Mahalaga ang papel ng mga ilog sa pagkabuo ng pamayanang Pilipino. Naging paraan ng komunikasyon ang mga ilog. Naging ruta rin ng komersyo ang ilog. Ang Tondo at Maynila ay ilang halimbawa ng mga bayang nagkaroon ng ugnayan dahil sa ilog.

Ang dapat ay isa ring puwersang nag-uugnay sa mga estadong bayan. Ang isang halimbawa ay ang kapuluan ng Leyte. Nahahati ito sa gitna ng isang mahabang kabundukan. Sa kanang bahagi nito, ay matatagpuan ang Samar at sa kaliwa ang Cebu. Dahil sa dagat, lumaganap ang kabihasnang Cebuano sa kaliwang bahagi ng Leyte habang ang kanang bahagi ay nanatiling Waray. Ipinapakita ng halimbawang ito na kahit magkahiwalay ang Cebu at Leyte, ang dagat ay nakapagbubuklod.

Ang ugnayan naman sa ibayong dagat ay nagdala ng kalinangang dayuhan sa Pilipinas. Sa Hilagang Luzon, nakipag-ugnay ang mga Pilipino sa Hapon. Sa Pangasinan at La Union, Intsik naman ang kanilang kakalagal. Ang Maynila, Batangas at Mindoro ay nakipagkalagal sa Intsik. Sa Visayas, ang Cebu ay naging sentro ng kalakalan.




Radya Sulayman
ng Maynila

**Pagbubuod:
Kalinangan, Pamayanan at Estado**

Pinakatema ng unang yugtong ito ng Kasaysayan ng Kapilipinuhan ang pagkatamo ng isang may kasaralang uri at lebel ng kalinangan (Kabanata V) dulot ng pagkabuo ng mga pamayanan bilang pagkakaugnay-ugnay ng mga bayan at kabayanan. Tumutungo ang mga pamayanan sa pagsasambayanan o pagbubuklod-buklod sa larangang sosyo-pulitikal at pang-ekonomiya, mula sa orihinal na kaharian hanggang sa mga anyo nitong karadyahan/karahaan at sultanato. Ang mga kabuuang ito -- mula sa pinakasimpleng kadatuan hanggang sa mas masasalimuot na estadong bayan (kaharian, karadyahan, sultanato) -- ang siyang magiging batayan ng pagkabuo ng estado o sambayanan ng buong kapuluan na siyang paksain at direksyon ng susunod na yugto ng BAYAN. Mabibigyang-linaw ito sa Dayagram III.

**Dayagram III
BANUA-BAYAN-ESTADONG BAYAN-ESTADONG
KOLONYAL — ESTADONG NASYONAL NG PILIPINAS
HARING BAYANG KATAGALUGAN**



Rebisyon ng Salazar, 1998


BAYAN

Ang Ikalawang Yugto ng Kasaysayan ng Kapilipinuhan (1588 – 1913)

Sa ikalawang yugto ng kasaysayan ng Kapilipinuhan -- ang panahon ng Bayan (1588-1913) -- ang Pamayanan, bilang watak-watak na mga kabayanan, ay tutungo sa pagkabuo bilang isang Bayan sa anyo ng estadong pangkapuluhan. Sa simula (1588-1663), makakaharap ng Sinaunang Pamayanan ang isang krisis: ang pagtatagpo ng *mga estadong bayan* o sambayanan sa isang dako at, sa kabilang dako, ng itatatag ng banyaga na *estadong kolonyal* sa batayan ng dating estadong bayan ng Maynila. Sa agos ng panahon, masasaksihan ang pamaya't mayang pagtutuos ng mga ito - *i.e.*, ng mga komunidad na "lumad" at ng mga estadong Muslim laban sa Kastila [Dayagram IV] -- kaalinsabay ang paglawak ng dalumat at reyalidad ng Bayan sa loob mismo ng sistemang kolonyal, tungo sa paglitaw rito ng dalawang modelo o proyekto ng pagbubo ng "Bansa" [Dayagram VI]. Ang una ay ang "Inang Bayan" na nakaugat sa tradisyon ng bayan. Binibigyang halaga nito ang kapatiran, damayan, pantay na karapatan at ganap na kasarinlan. Ito ang siyang layuning pinanghawakan at kinasandigan ni Bonifacio at ng mga Anak ng Bayan sa panahon ng Himagsikan. Ang pangalawang proyekto ay ang *nación/nasyon* ng mga akulturadong elit na bilang mga "*Filipinos*" ay nakahulma sa kulturang/sibilisasyong Europeo/Kanluranin [Dayagram V].

Sa pagsapit ng 1896, puputok ang Himagsikang pangungunahan ng Bayan. Nanumbalik ang tiwala sa sariling kakayahan na gagarantiya ng ganap na kaginhawahan at kalayaan ng lahat; ngunit sa pamamagitan ng kudeta ng Tejeros ng 22 Marso-10 Mayo 1897, aagawin ng paksyong maka-*nación* ni Aguinaldo ang pamumuno sa Himagsikan na magiging *Revolución* ng mga elit/elitista. Pansamantalang mapagsasanib ang dalawang tradisyon ng Bayan at *nación*. Sa pagtatapos ng yugtong ito, magtatagumpay ang simulaing pulitikal ng *nación* matapos ideklara ng pangkating Aguinaldo ang "*independencia*" ng "*Filipinas*." Naitatag samakatuwid ang estadong nasyonal na malayo't papalayo nang papalayo sa mithiin ng Inang Bayan nina Bonifacio [Dayagram V, pah. 28].

Dayagram IV
Larangan ng mga Puwersang Historiko-Kultural, 1588-1896



Kabanata VI
Krisis ng Pamayanang Pilipino (1588-1663)

1588 – 1602	1602 – 1635	1635 – 1663
Tadhana ng Estado ni Raha Sulayman	Opensiba ng Estado ng Maynila	Sa Anino ni Sultan Kudarat

Nakabase sa estadong bayan ni Sulayman, magsisimulang magpalawak ng teritoryo ang kapangyarihang Kastila sa Pilipinas noong 1588 nang masugpo ang Sabwatan ng Tondo. Dulot ng pagkabigong ito nakaranas ng krisis ang pamayanang Pilipino, sa sistemang pulitikal at pang-ekonomiya at krisis sa kaayusan ng lipunan.

Sa pulitika, nagulo ang dating pagkakaayos ng kapangyarihan ng mga radya at datu. Ang datu ay naging gobernadorcillo at ang mga maginoo at ilang timawa/maharlika ay nakipagsabwatan sa mga prayle at, bilang mga natuto at marurunong magKastila, naging mga “*ladinos*.” Ang krisis sa pulitika ay naging krisis na rin sa kaayusan ng lipunan: naging nakatataas na uri ang mga Kastila, sa ibabaw ng gitnang uring binubuo ng mga nakikipagtulungan mula sa dating mga maginoo at ilang timawa/maharlika. Sa ekonomiya, pumasok ang mga *encomiendas* na ginagamit na pangtustos sa mga gastusin ng mga namumuno. Sa mga pagbabagong ito, nawalan ng mga lupa ang mga nakararaming timawa at napalaya o “tinimawang alipin” at naging mga bayarang magsasaka na lamang sila.

Itinatag ang mga *ciudades* (Sugbu, Maynila, Arevalo, Nueva Caceres) at mga *villas* (Fernandina, Nueva Segovia) bilang mga sentro ng isang pangkapuluang sistemang pulitiko-administratibo na ang pinaksentro ay ang dating estadong bayan. Ang sistema ay pinalakas sa pamamagitan ng pagsisiguro nito sa dakong timog (Mindanao, Sulu, Brunei at hanggang sa Indo-Tsina). Ito ay pagsisiguro rin sa kalakalang Galyon, na itinatag upang pagkabitin ang kalakalalang Tsina-Maynila at ang bagong ugnayang trans-Pasipiko Maynila-Acapulco at, sa ibayo nito, Mexico-Europa sa pamamagitan ng karagatang Atlantiko.

Kinabaka ng mga Pilipino (higit sa lahat ng mga Muslim) ang bagong sistemang pang-estado na nakasentro sa dating kasakupang pang-estado. Dahil dito hindi gaanong nagtagumpay ang mga pananalakay ng Kastila, bagamat nasakop nila ang Ternate (1603) at sa huli’y (1635) naitatag ang Zamboanga. Gayumpaman, iurong nila ang kanilang mga puwersa mulang Ternate, Dapitan at Zamboanga tungong Maynila upang ipagtanggol ito laban kay Koxinga. Samakatuwid, hanggang 1663, bahagya lamang nakontrolahan ng kapangyarihan sa Maynila ang katimugan ng arkipelago. Noong 1719 lamang makabalik sa Zamboanga ang mga Kastila.


Tadhana ng Estado ni Raha Sulayman (1588 - 1602)

Sa kabila ng lumalakas na puwersa ng mga Kastila sa Maynila, ang mga estadong hindi pa nila naabot ay nagpatuloy sa kinagawiang pakikipag-ugnayan sa isa’t isa at sa ibayong dagat. Nakipag-ugnayan sina Magat Salamat at Agustin de Legazpi, isang pamangkin ni Lakandula, sa Sultan ng Brunei upang bawiin sa Kastila ang kapangyarihan sa Maynila. Ang pagsulpot ng puwersang Kastila sa Timog ay naging sanhi rin ng pagbubuklod ng mga estadong etniko/sambayanan sa Mindanao at Sulu.

Hindi nagtagal at tuluyan nang nahawakan ng mga Kastila ang Maynila. Ipinasok ng mga Kastila ang Kristiyanismo upang mapadali ang paglaganap ng kanilang kultura at ang


pagsakop sa bansa. Nagtayo sila ng mga gusali, gumawa ng mga armas at sasakyang dagat. Binago rin nila ang mga ruta ng kalakalan upang isentralisa sa Maynila.

Bagamat ang bayan ni Rajah Sulayman ay katabi ng bayan ni Lakandula (kung saan maraming nakatira), ang organisasyon ng dalawa bilang isang estado ay nakasalalay sa organisasyon ng mga balangay. Ang datu ay ang siyang namamahala sa balangay; ang hari naman (o nakatataas na datu), kasama ng isang sanggunian ng mga datu, ang namumuno sa bayan. Ang hari bilang pinuno ay karaniwang may pinakamalakas na sitwasyong pang-ekonomya. Ang relasyon ng hari, mga datu at ang kanilang mga nasasakupan ay maipapakita sa:



Sa kaso ng dalawang bayan ng Tondo at Maynila, ang una’y napapaloob sa karadyahan ng Maynila; samantalang kapwa may mga sakop na bayan (ang Tondo patungong Bulakan at Pampanga; ang Maynila sa mga pook na dinadaluyan ng Ilog Pasig).


Sa pagdating at pananakop ng mga Kastila, makikita na ang batayang sistemang panlipunan ay nagbago mula sa konseptong bayan patungo sa konseptong *pueblo*, *villa*, *ciudad*. Ang iba’t ibang sistemang panlipunan na pumalit ay ang sumusunod: (a) *pueblo* -- isang organisadong bayan; (b) *villa* -- mas malaki kaysa *pueblo* ngunit mas kompleks ang sistema ng pamamahala; (c) *ciudad* -- mas malaki sa *villa* at pinakakompleks ang administrasyon. Ang pagkakaiba ng tatlong sistemang panlipunan na ito ay maipapakita sa:



Ang kaibahan ng tatlo ay ang laki at ang pagiging kompleks ng sistemang pang-administrasyon.

Noong mga panahong iyon, malakas ang ugnayan ng mga taga-Maynila sa sultanato ng Brunei at minabuti itong putulin ng mga Kastila. Ito ay isinagawa ni Sande sa pamamagitan ng pananalakay sa nasabing kapangyarihan. Nagapi ang Brunei ngunit natalo ang mga Kastila dahil sa inatake ng disenterya ang ekspedisyon.

Sa kabilang dako, sinamantala ng mga Kastila ang ugnayan ng Pilipinas at Tsina sa pamamagitan ng pag-akit ng buong kalakalang Tsino sa Maynila. Naipon sa Maynila ang kalakalang Tsino. Ang parian na binuo ng mga Tsino ay siyang pinagmulan ng “Chinatown”. Ikinabit ang kalakalang Tsina sa bagong daang pakikipag-ugnayan sa Acapulco na tinawag na Kalakalang Galyon. Makikita ang relasyong ito sa susunod na ilustrasyon:



Lahat ng ito’y nangyari lamang sa mga naokupahang lugar ng kapangyarihan sa Maynila. Sa panahon hanggang 1663 at sa katunayan hanggang sa huling sandali ng pamamalagi ng Kastila sa Pilipinas, nanatili ang ibang mga bayan at pamayanan ng Kapilipinuhan sa dati nilang kaayusang sosyo-pulitikal at pang-ekonomiya. Unti-untilang ang paglaganap ng kapangyarihang Kastila ng Maynila. Nailalarawan ito sa Dayagram IV.

Opensiba ng Estado ng Maynila (1602 - 1635)

Napalitan ang ruta ng kalakalan sa pagitan ng Tsina, Pilipinas at Indo-Malaysia. Inakit ang komersyo mulang Tsina sa Maynila at ikinabit ito sa Acapulco, Mexico, patungong Espanya at Europa. Ang pagbabagong ito ay ikinagalit ng mga sultan at datu ng Sulu at Maguindanao. Nagsimula sila ng mga pananalakay upang pilitin ang pagbabalik ng dating ruta ng kalakalan.

Kasabay ng pagpapalakas ng Kastila sa Maynila ay nagsimula namang mag-alsa ang mga Olandes sa Europa laban sa okupasyon ng Kastila. Sumalakay ang mga Olandes sa mga Kastilang naka-puwesto sa Pilipinas. Bilang reaksiyon, pinatibay ng mga Kastila ang kanilang depensa sa Maynila. Nagtayo sila ng mga baluarte. Nagtatag sila mga presidio sa dalampasigan ng Dapitan at Butuan. Sa pagtatapos ng peryodo (1635) ookupahin ng Kastila ang Zamboanga.

Banta sa Kalakalang Maynila-Acapulco patungong Europa kapwa ang mga pananalakay ng Sultanato ng Mindanao at Sulu at ang Digmaang Olandes-Kastila. Kinailangang gumawa ng mga galyon, at iba pang sasakyang dagat, kung kayat pinilit ng mga Kastila ang mga Pilipino na magputol ng mga kahoy tungo rito (*polos y servicios*). Ginamit din sila bilang higit na nakararaming “dagdag” sa puwersang militar ng Kastila.

Sa Anino ni Sultan Kudarat (1635 - 1663)

Upang supilin ang pagsasalakay mula sa Mindanao, nagtatag ng mga kuta ang mga Kastila sa Timog. Ang kuta sa Zamboanga ay itinatag noong 1635 kasabay ng pagsimula ng misyong Heswita sa Mindanao at ng pagsakop sa Ternate (Silangang Indonesya). Ang Lanao at Jolo ay sinalakay rin at pansamantalang inokupa ng mga Kastila noong 1637-1638.

Ang mga pananalakay at pagsakop na ito, kasama ng pagpapalaganap ng Kristiyanismo, ay nag-udyok sa mga Muslim na lalo pang atakehin ang mga teritoryong napasa-Kastila sa Mindanao, sa Kabisayaan at hanggang sa Luzon mismo. Naglunsad si Muhammad Dipatuan Kudarat ng isang jihad, isang digmaang banal, noong 1656.

Hindi nagtagal ang pananatili ng mga Kastila sa Mindanao. Noong 1663, umatras ang mga ito sa takot kay Koxinga, isang piratang Intsik. Dinepensahan nang tuluyan ang Maynila at nilisan ng mga Kastila ang Ternate, Zamboanga at Dapitan.

Kabanata VII
Bayan, Pueblo at Ciudad: Bagong Pamayanan (1663-1745)

1663 – 1681	1681 – 1719	1719 – 1745
Pagpapalawak ng <i>Reducción</i>	Reaksyon ng mga Bayan	Pamamayani ng Relihiyon

Pagpapalawak ng Reducción (1663 - 1681)

Upang mapamunuan ang bagong kolonya at upang mapabilis ang paglaganap ng Kristiyanismo, tinangkang baguhin ang dating kaayusang Pilipino sa mga rehiyong naokupa ng Kastila, tulad ng natalakay na sa Kabanata VI. Higit na nagkabisa ang ganitong pagbabago ng dating kaayusang pampamayanang Pilipino. *Reducción* ang katawagan dito. Dahil sa ang simbahang itinatag sa bawat komunidad, lumakas ang mga prayle lalo na ang mga kasapi sa mga kasamahang Agustino, Domeniko, at Heswita. Ang dating mga bayan ay ginawang mga “*pueblo*” na ang pagkakaayos ay nasasalalay sa *plaza* bilang sentro kung saan nakatayo ang simbahan, munisipyo at mga bahay ng mga kolaborador na pamilyang maginoo. Itinakda noong una pa at naging mas matatag ang mga *villas* at *cuidades* bilang sentrong administratibo, kasama ang mga *presidios* at *commandancias* sa mga rehiyong di pa “napapayapa.” Mula sa mga *pueblo*, *villa* at *ciudad* na ito -- na ang sentro’y Maynila -- lalo pang lalaganap sa panahong ito ang reduksyon na, sa mga lugar na di pa napapasipika ay, poprotektahan ng mga *presidios* at *commandancias militares*.

Reaksyon ng mga Bayan (1681 - 1719)

Dahil sa mga pang-aabuso na idinulot ng *reduccion*, nagulo ang mga Pilipino. Maraming namundok. Ang mga lumikas ay binansagan ng mga Kastila na mga “*remontados*” at “*alsados*.” Bilang kanilang reaksiyon sa *reduccion* ay nag-alsa ang mga Sambal. Kahit na lumaganap ang *reduccion*, hindi pa rin kinalimutan ng mga Pilipino ang mga kinagisnang kaugalian. Gayumpaman, hindi lahat ng Pilipino ay nagkaroon ng ganitong reaksiyon sa mga pagsubok na Kastilang baguhin ang ayos ng pamayanang Pilipino; may ilang mga Pilipino na nagnais na matuto ng wikang Kastila, higit sa lahat mula sa uring maginoo. Mga ladino ang mga ito; naging katulong sila ng mga Kastila. Noong una pa, sa pagpapalaganap ng reduksyon; pagkatapos, sa mga opisina’t sa pagsalin ng mga sulatin ng mga prayle.

Hindi gaanong nasiyahan ang mga ladino nang sikapin nilang pumasok at di tinanggap sa mga orden. Kadalasan pa ay tuta ng mga prayle ang gobernador heneral na namumuno sa Pilipinas; ngunit hindi kabilang sa kanila si Gobernador Heneral Fernando Manuel de Bustamante. Pinuna niya ang pagnanakaw na ginagawa ng mga prayle mula sa Kalakalang Galyon. Pati ang paggamit ng mga pekeng pangalan ng mga prayle para sa kalakalan ay pinansin ni Bustamante. Bilang ganti pinapatay ng mga prayle si Bustamante noong 1719.

Pamamayani ng Relihiyon (1719 - 1745)

Ang pagkakapaslang kay Bustamante ay lalo pang nagdiin sa lakas ng mga prayle. Nalampasan pa nila ang lakas ng mga burukrata at mamamayan (*ciudadanos*) na Kastila. Lumawak ang saklaw ng *reduccion* at ang kapangyarihan ng mga prayle na nangibabaw sa mga asyenda (*hacienda*) ay umabot na rin sa kalakalang galyon. Samantala sa Zamboanga ay nagkaroon muli ng isang Heswitang misyon na lubhang ikinagalit ng mga Muslim. Bilang ganti, sumalakay ang mga Muslim hanggang sa Cagayan. Muli ipinakita ng mga prayle ang kanilang

lakas. Inilunsad nila ang isang propaganda laban sa mga Muslim. Nabago ng mga prayle ang ilang aspeto ng kalinangang kinagisnan ng mga nasakop na Pilipino.

Kabanata VIII
Batayan ng Pagkakaisa: Balik sa Estadong Bayan (1745-1807)

1745 – 1762	1762 – 1785	1785 – 1807
Paghihimagsik ng Kabayanan	Bagong Sambayanan at Opensibang Muslim	Bayan at Kabuuan

Sa pagitan ng taong 1745 at 1807, makikita sa Pilipinas ang ilan sa mga salik ng pagkakaisa ng mga Pilipino na noon ay unti-unting magkakaroon ng pagkakaisa tungo sa pambansang kabuuan. Ang kabuuang ito ay dahan-dahang magiging tiyak mula sa Panahon ng **Paghihimagsik ng Kabayanan (1745-1762)** kung kailan naghangad ang mga bayan sa Pilipinas na maibalik ang dating pagkakaisa at pagkakabuklod na naging tanda ng estadong etniko bago masakop ang Maynila. Ito ay tumutungo sa **Bayan at Kabuuan (1785-1807)** kung kailan lumitaw ang konsepto ng BAYAN bilang kabuuan: “ang bayan na lumalampas sa mga kabayanan at sumasaklaw sa buong arkipelago,” matapos pagdaanan ang panahon ng **Bagong Sambayanan at Opensibang Muslim (1762-1785)**, kung kailan nagtangka ang ilang mga Pilipino na makahulagpos sa kapangyarihan ng mga dayuhan sa pamamagitan ng kinagisnang kalinangan at pagsasambayanan.

Paghihimagsik ng Kabayanan (1745 - 1762)

Pagkakaisa ang salitang maglalarawan sa panahong 1745-1762. Nagsimulang maghihimagsik ang mga kabayanan laban sa mga pang-aabuso ng Kastila. Nauna ang pag-aalsang agraryo noong 1745. Nagkaisa ang Batangas, Laguna at Cavite, mga pawang Tagalog na mga lalawigan. Sa Batangas, si AlatiENZA ang namuno ngunit nabalitaan ng mga Kastila ang kaguluhan. Nang magpadala ang mga Kastila ng puwersang mula sa Pampanga nasupil si AlatiENZA.

Sa Bohol si Dagohoy naman ang nagpasimuno sa isa sa mga pimakamatagal na rebelyon. Nagsimula ito noong 1774 at natapos 1829. Naging mitsa ng rebelyong ito ang pagkamatay ng kapatid ni Dagohoy na si Sagrino nang isinagawa ng mga Kastila ang paghuli sa mga Boholanong hindi tumanggap sa Kristiyanismo.

Sa Mindanao naman nasimulan muli ang isang jihad bilang reaksiyon sa mga balakin ng noo’y nanunungkulang sultan na si Muhammad Azim-ud-din, na makipag-ugnayan sa mga Kastila. Sa ganitong pagtutol ay napasama rin ang ilang mga grupo sa Mindanao tulad ng Tausug at Maranao.

Bagong Sambayanan at Opensibang Muslim (1762 - 1785)

Sa panahon ng 1762, nagkaroon ng isang mahalagang tulak ang mga nabubuong rebelyon ng mga bayan. Sa pagdating ng mga Ingles sa Pilipinas, humina ang puwersang militar ng mga Kastila sa Pilipinas. Lalong napalakas ang loob ng mga Pilipino sa pangyayaring ito.

Sa Ilocos, pinamunuan ni Diego Silang ang isang pag-aalsa. Lubos na mahihirapan ang mga Ilokano sa *polos y servicios* at sawa na rin sila sa mga ipinapataw na buwis. Kasama ng mga Kailianes, pinaalis ni Diego Silang ang Alkalde Mayor, noong Disyembre 1762. Nakipagtulungan si

Silang sa mga Ingles at tinanggal ang polo at ang sapilitang pagbubuwis. Pinatay si Diego Silang sa kanyang tahanan noong Mayo 28, 1763 ng mestisong si Miguel Vicos. Ipinagpatuloy ni Gabriela Silang ang rebelyon ngunit siya rin ay namatay noong taon ding iyon.

Si Juan dela Cruz Palaris ay namuno rin sa isang pag-aalsa kasabay ng kay Diego Silang. Ang hindi pagtugon sa mga kahilingan nitong reporma ang dahilan ng rebelyon sa Panggasinan. Ang pagkanulo sa kanya ng kanyang babaeng kapatid ang naging dahilan ng kanyang pagkabigo.

Patuloy at lalong tumindi ang pananalakay ng mga Muslim.

Bayan at Kabuuan (1785 - 1807)

Noong 1785, laganap ang iba't ibang rebelyon tungkol sa sapilitang paggawa, monopolyo ng alak, tabako, at ang tributo. Sa taon ding ito, nag-alsa ang mga Kalinga sa Cagayan. Ito ay may elemento ng katutubong relihiyon na naging dahilan ng pagkakahati ng mga pinuno sa pagitan ng maka-Kastila at maka-Pilipino. Samantala sa Ilocos, may naganap na mas importanteng rebelyon sa relihiyong Kristiyano, ang rebelyon ng Basi noong 1807, dahil sa matinding galit ng mga Ilokano sa itinatag na monopolyo ng alak na humahadlang sa produksyon ng Basi. Ang pag-aalsang ito ay lumaganap hanggang sa Ilocos Norte.

Sa kabilang dako, noong Disyembre 1806, itinatag ang isang kagawaran sa pagbabakuna upang maagapan ang paglaganap ng bulutong. Sa taon ding ito naitayo ang mga kalsadang “pamprobinsya” at ang mga kalye sa Maynila ay nailawan. Samantala, patuloy pa rin sa paglaganap ang mga pagtatanghal ng pasyon at Moro-Moro sa sariling wika. Isa sa mga tanyag na manunulat sa panahong ito ay si Huseng Sisiw na guro ni Francisco Balagtas na naging bantog din na manunulat sa larangan ng pagpapalaganap ng literaturang nasa sariling wika. Ang pinakamahalaga sa dalawang nabanggit ay ang kanilang pagsulat sa sariling wika na siyang nababatid at nauunawaan ng kanilang mga kababayan. Sila ay mga ladino noong panahon ni Rizal na sumuat sa wikang Kastila at nag-iisip na parang Kastila.

Kabanata IX

Bayang Pilipino: Katutubo at Banyaga (1807 – 1861)

1807 – 1823	1823 – 1841	1841 – 1861
Paghihimagsik at Rebelyon: Kailian at Kriolyo	“Ang Bayan Kong Sawi”	Sa Bisa ni Hermano Pule

Sa kabanatang ito na napapaloob sa 1807 (petsa ng rebelyong Basi sa Ilocos) at 1861 (petsa ng kapanganakan ni Rizal at ng simula ng kilusang Sekularisasyon), tatalakayin ang pagkabuo ng bayang Pilipino bilang kabuuang saklaw ang buong arkipelago. Isang importanteng baytang ito mula sa kamalayan ng pagkabayan na nakita natin sa nakaraang kabanata sa mga halimbawa nina Diego Silang at Dagohoy. Ang mga ito ay nakabalik sa dating kamalayan ng pagkakaisa na itinataguyod ng mga estadong etniko na napalitan ng estado ng Maynila na napasakamay ng mga Kastila. Maaalala natin na si Silang ay nagtangkang makabuo ng isang kaharian na ang saklaw ay lampas sa Kailokuhan -- ibig sabihin, mas malakas at mas malawak kaysa sa estadong etniko na nakasentro sa Vigan. Bukod dito, mas mataas na rin ang antas ng burukrasyang gusto niyang itatag, sapagka't ito ay hinalaw niya sa burukrasya ng mga Kastila. Si

Dagohoy naman ay matagumpay na naghiwalay sa kapangyarihan sa Maynila upang itatag ang kanyang sariling estado na hahantong hanggang sa panahong tatalakayin natin.

Habang nabubuo ang kamalayan ng bayang sumasaklaw sa buong arkipelago, lumitaw din sa panahong ito ang konsepto ng *nación* na dala rito ng mga kriyolyo (tinatawag na *insulares* o Kastilang ipinanganak sa Espanya mismo) at mga mestisong Kastila (mga kasamahan ng Kriyolyo). Mula ang mga ideya ng nasyon sa Espanya at sa Mexico na nadapuan ng diwa ng Rebolusyong Pranses. Kaya ang mga unang rebelyon at pagtatangkang pag-aalsa sa panahong ito, ay nakakabit sa hangaring *nación* (rebelyon sa Ilokos, sa Sabwatang Bayot, rebelyon ni Novales).

Ang ideya ng nasyon ay pauunlarin ng mga kriyolyo at mestiso, at makukuha sa kanila ng mga ladinong Pilipino na naging mga paring sekular. Kaya sa antas ng *nación* o ng pagbubuo ng isang nasyonalidad na Pilipino, naging importante ang mga paring sekular na naging katunggali ng mga prayle, kasama ang mga pari ring mestiso at kriyolyo. Samantala ang bayan ay magpapatuloy sa kanyang pagkabuo at makikita natin ito sa hiwalay na buhay ng mga Pilipino na isang magandang halimbawa ay ang panitikan nila noong panahon ni Balagtas. Ang literaturang ito ay tumutukoy sa sitwasyon o kalagayan ng mga Pilipino. Isang sukdulang pahayag dito ng damdamin tungo sa pagkakaisa at pagbubuo ng Bayan ay mababanaag sa *Florante at Laura* ni Balagtas tungkol sa “Ang Bayan Kong Sawi.” Pagdating ng oras na ito’y sisiklab ang isang rebelyon, ang pag-aalsa ni Hermano Pule at kanyang mga kapanalig.

Paghihimagsik at Rebelyon: Kailian at Kriolyo (1807 - 1823)

Sa pagpasok ng ika-19 na dantaon pumutok ang isang pag-aalsa ng mga Ilokano sa Sarrat, Ilocos Norte. Sa pamumuno ni Simon Tomas ay naghimagsik din ang Batac, Pasay, Piddig, San Nicolas at Vinlar. Sinira ng mga Ilokano ang mga tirahan ng mga Kastila at ng mga mayayamang Ilokanong kasabwat nila. Pinatay rin nila ang mga pinuno at pari. Sa rebelyong ito, nakita ang pagkakahati ng Bayan at ng mga elit/elitistang Pilipino kasama ng mga Kastila.

Ginantihan ito ng mga Kastila at nabihag nila ang kanilang pinuno at mabagsik na pinarusahan.

Ang hindi pagkakasundo naman ng dalawang uri ng mga Kastilang nakatira sa Pilipinas ay lumala. Sawa na sa mababang pagtingin at diskriminasyon ang mga kriyolyo, mga Kastilang tunay na ipinanganak sa Pilipinas. Hindi naman nagugustuhan ng mga peninsulares, mga ipinanganak sa Espanya, ang pagdami ng mga *creoles* (kriyolyo).

Hindi umunlad ang pagkakaunawaan ng dalawang uri ng matagumpay na mapaalis ng mga Latino-Amerikano ang mga Kastila noong 1826. Sa Pilipinas naman ay nagbalak ang dalawang magkapatid na kriyolyong Bayot na pabagsakin ang pamahalaan, binubuo ng mga *peninsulares*. Hindi nagtagumpay ang mga balakin ng magkapatid na Bayot at napatulan sila ng habang buhay na pagkakakulong habang ang kanilang amang nasa militar ay nagretiro. Hindi dito natapos ang mga insidente na dulot ng hidwaan ng mga kriyolyo at peninsulares. Sa pamumuno ni Juan Antonio Martinez ay natanggal ang mga kriyolyo sa mga posisyon sa pamahalaan at inilagay ang mga peninsulares. Ibinunga nito ang pagbabalak nina Kapitan Novales at ng ilan pa na salakayin ang Katedral ng Maynila at ang palasyo ng Gobernador Heneral. Katulad ng ibang mga balak, ito ay hindi nagtagumpay.

“Ang Bayan Kong Sawi” (1823 - 1841)

Ang abuso ng mga Kastila at ang reaksiyon ng mga Pilipino ay kumalat pa sa ibang mga lugar. Sa Mindoro ay naakit sila dahil sa posibilidad ng pagkakahanap ng ginto. Upang

mapaamo ang mga Mangyan sa lugar, ay gumawa ang mga Kastila ng kasunduan ng kapayapan. Samantala sa Kordilyera ay nanatili ang kabihasan at paniniwala ng mga Ifugao. Ang mga Igorot naman ay napanatili ang kanilang ayos ng pamahalaan. Ang mga Itneg ay nagpatuloy sa pagsamba sa kanilang mga anito.

Binalak ng mga Kastila na pasukin ang mga lugar na kinatitigilan ng mga grupong ito. Sa pamumuno ni Oscariz ay nagkaroon ng ekspedisyon sa kabundukan. Hindi sila nagtagumpay.

Binago rin ng mga Kastila ang mga paghahati sa lugar sa kabundukan. Ang Abra ay nahiwalay sa Ilocos Sur habang ang Cagayan ay nahati sa Cagayan at sa Nueva Viscaya.

Sa Bohol naman, hindi tumigil ang rebelyon na pinamunuan ni Francisco Dagohoy. Nagsimula pa ito noong 1744. Nagmula ang rebelyon sa hindi pagpayag ng prayle na mailibing sa Katolikong libingan ang kapatid ni Dagohoy. Nagtagumpay ang rebelyon ng 85 taon at natapos sa pamumuno ni Handog at Anag noong 1829.

Sumibol din sa panahong ito ang ilang makabayang manunulat. Si Manuel Blanco ay sumulat ng *Flora del Filipinas*. Si Jose dela Cruz, o Huseng Sisiw ay magaling sa Komedyang at Tula. Si Balagtas ay tanyag sa kanyang Florante at Laura. Nalimbag noong 1838 ang nasabing sulatin.

Sa Bisa ni Hermano Pule (1841 - 1861)

Taong 1841 ng Nobyembre ng madakip si Hermano Pule sa Tayabas. Sa Tayabas din siya pinatay. Siya ay ang kanyang mga kasama ay ginawang isang halimbawa. Dahil sa karahasan ng parusa, nagalit ang mga sundalong nasa Fort Santiago na mula rin sa Tayabas. Nilusob nila ang mga Kastila. Pinamunuan sila ng isang binatang mestizo na si Sarhento Samaniego. Inilunsad nila ang paglusob noong ika-20 ng Enero 1843. Napasailalim nila ang panandalian ang Intramuros ngunit dumating kaagad ang mga Kastila. “*Independencia*” ang isinagawa nila habang isa-isa silang nalugmok.

Patuloy rin naman ang protesta ng mga pari sa sekularisasyon. Hindi sumang-ayon si Padre Pedro Pelaez sa isang ordinansa na nagsasaad na ililipat ang ibang parokya ng mga Pilipinong paring secular sa mga malalaking orden ng mga Kastilang pari.

Kabanata X Bayan at Nación (1861 - 1913)

1861 – 1872	1872 – 1892	1892 – 1896	1896 – 1901	1901 – 1913
Gomburza, Datu Udto, Sultan Muhammad Diamarol	Indios, Moros y Infieles: Sukabang Ina	Filipinos at mga Anak ng Bayan	Ipinaglabang Nación at Inang Bayan	Sangandaan: Pakikibaka at Pakikibagay

Sa kabanatang ito matatapos ang panahon ng Bayan na unti-unting papalitan ng panahon ng Bansa. Ito ay nahahati sa limang bahagi, ang bawat isa ay nagpapakita kung paano nabuo ang konsepto ng nasyon at ang paglaganap ng konsepto ng bayan. Kaalinsabay nito ang pagbukas sa kamalayan ng mga mamamayan tungkol sa konsepto ng kasarinlan at kalayaan.

Ang ikalawang bahagi naman, mula 1872 hanggang 1892, ay sisimulan ng isang pag-aalsa na magiging dahilan ng pagbitay sa tatlong paring secular. Sa panahong ito makikita ang

ibayong pagsidhi ng damdaming makabayan ng mga Pilipino na noon ay tinatawag ng mga dayuhan na *Indios, moros, infieles*.

Ang pangatlong bahagi, mula 1892 hanggang 1896, ay magiging saksi sa pag-usbong ng isang makabago at liberal na grupo ng mga Pilipino. Sila ang mamumuno sa paghingi ng reporma sa bansang mananakop sa pamamagitan ng panulat. Ang pagsikat at pagbagsak ng kanilang grupo ay mangyayari sa loob ng panahong ito. Sa kanilang paghina lalakas ang kagustuhang makalaya ng mga katutubo. Tatayo bilang pinuno ang isang ordinaryong mamamayan na gagabay sa lahat upang makamtan ang bayan. Tatayo ang mga tunay na anak ng bayang Pilipinas.

Ang ika-apat na bahagi naman ay kinapapalooban ng mga rebolusyong naganap mula 1896 hanggang 1901. Dito masasaksihan ang kabayanihan ng mga Katipunero at ang masalimuot na tadhana ng pinuno ng Bayan. Sa bahaging ito pansamantalang makakaranas ng kasarinlan ang Pilipinas sa pag-alis ng mga mananakop na nabigong mahawakan ang buong arkipelago. Sa panahong ito unti-unting papasok ang puwersa ng mga bagong mananakop mula sa kanluran.

Ang huling bahagi naman ng kabanatang ito, mula 1901 hanggang 1913 ay makakasaksi ng muling pagpigil sa kalayaan ng bansa. Magmimistulang parang kakampi ang bansang kanluranin habang dahan-dahan nitong panghahawakan ang buong bansa. Ang ibang mga Pilipino ay makikibagay sa kanila habang ang iba ay patuloy na makikibaka laban sa kanila.

Gomburza, Datu Udto, Sultan Muhammad Diamarol (1861 - 1872)

Ang pagtindi ng di pagkakaunawaan ng mga paring regular at paring sekular ang lumalarawan sa panahong ito. Ang mga paring regular ay yaong mga galing sa mga orden tulad ng mga San Agustin, Heswita at mga Recoleta. Ang mga paring sekular naman ay binubuo ng mga mestiso, “indio” at kriyolyo. Ang mga orden ay tinawag din na korporasyon. Malakas ang mga korporasyong ito sapagkat pinapaburan sila ng Espanya at nagmamay-ari sila ng mga hacienda.

Isa pang nagpatindi sa alitan ng dalawang grupo ang pagbabalik ng mga Heswitung pinaalis sa Pilipinas noong 1768. Masigasig nilang hiningi ulit ang kanilang mga parokya sa Mindanao na na pansamantalang hinawakan ng mga Recoleta. Ang mga ito naman ay hiningi ang kanilang dating mga parokya sa Maynila na hawak ng mga paring sekular. Sa maikling salita, nawalan ng parokya ang mga paring sekular. Ito ay naging patunay sa isyu ng diskriminasyon laban sa mga paring sekular at nagtulak sa mga unang anyo ng nasyonalismo.

Nagsimula rin ang pagpasok ng mga Kastila sa Maguindanao bilang reaksiyon sa puwersang Muslim. Nahati ang kalinangan ng Maguindanao. Ang ilan ay nanatiling totoo sa kanilang kalinangan habang ang iba naman ay nais na magpasaKastila. Si Datu Udto ang pinuno ng mga laban sa mga Kastila. Ang grupo naman ni Sultan Mohammad Diamarol ng Jolo ay nakibagay sa mga Kastila.

Indios, Moros y Infieles: Sukabang Ina (1872 - 1892)

Tumuloy pa ang labanan ng sekular at regular na pari. Sinamantala ng mga Kastila ang pag-aalsa ng mga manggagawa at kawal sa Cavite upang pabagsakin ang sekularisasyon at patigilin ang angal ng mga ilustrado. Dinakip lahat ng pinaghinalaang may kinalaman sa kaguluhan. Mayroong siyam na paring dinakip kasama ng mga abogadong at komersyante at itinapon sila sa Marianas Islands. Samantala, may tatlong paring binitay sa gamit ng garrote.

Sila sina Padre Gomez, Padre Burgos at Padre Zamora. Binitay sila sa harap ng mga Pilipino noong Pebrero 17, 1872 at sumiklab ang galit ng mga Pilipino.

Sa panahong ito ang bayan ay binuo ng mga Indios, Moros at Infieles. Indios ang tawag nila sa mga katutubo. Isa itong panlalait at pagpapakita ng pagpapamuhi sa Pilipino. Tinawag naman nilang Moros ang Muslim at ang mga taong hindi sumusunod sa sistemang Kastila upang makolonisa ang kapuluan.

Filipinos at mga Anak ng Bayan (1892 - 1896)

Isang katangian ng mga ilustrado ang kanilang kanluraning edukasyon. Sina Jose, Rizal, Graciano Lopez Jaena, Marcelo H. del Pilar, Juan Luna pati na rin si Emilio Aguinaldo ay iilan sa mga Pilipinong nakapag-aral sa Europa.

Isa sa mga dulot ng kanilang pag-aaral ay ang pagkamulat sa nasyonalismo at liberalismo. Bumuo sina Rizal, Lopez at del Pilar ng grupo na tinawag ng repormista o propagandista. Humingi sila ng mga reporma sa pamamalakad ng mga Kastila sa pamamagitan ng *La Solidaridad*. Isa sa mga hinihiling nila ay maging probinsya ng Espanya ang Pilipinas. Hindi pinakinggan ang kanilang mga daing. Hiningi nilang sunod ang kasarinlan ng Pilipinas. Ninais ng mga ilustrado na bumuo ng isang nacion na nakabatay sa mga konsepto ng bansa sa Europa. Muli hindi sila pinakinggan. Nakasalubong din ng mga problema ang propaganda. Natigil sa kanilang paglilimbag dahil kakulangan ng pondo. Nadakip din ang kanilang kasapi na si Rizal at pinatapon sa Dapitan. Sa mga pangyayaring ito, humina ang balakin ng *nación*.

Si Andres Bonifacio naman ang bumuo sa isang himagsikan ng mga mamamayan. Ipinanganak siya sa Tondo noong Nobyembre 1863. Sa tulong ng Katipunan, pinalaganap ni Bonifacio ang konsepto ng bayan. Ibang iba ito sa konsepto ng *nación* ng mga ilustrado. Ito ay nakabatay sa pagbuo ng/kay Inang Bayan at pagtatag ng Haring Bayan (estadong bayan) para sa buong kapuluan (Republika ng Katagalugan). Sinasabing ang Inang Bayan ang dapat panggalingan ng pagbubuo dahil sa kanyang sinapupunan lamang nagkakaroon ng tunay na kabuuan. Sa ilalim ng iisang Inang Bayan, nagkakaroon ng kapatiran ng mga ito. Ginamit ni Bonifacio ang metapora ng mag-anak bilang simbolo ng pagkakaisa ng mga bayan sa buong kapuluan at noong Hulyo 6, 1892, itinatag niya ang Kagalang-galangang Katipunan ng mga Anak ng Bayan (KKK).

Ipinaglabang Nación at Inang Bayan (1896 - 1901)

Nagsimula ang rebolusyong Pilipino noong taong 1896. Noong Agosto 24, sinalakay ng mga Katipunero ang Maynila. Naging matagumpay sila sa simula. Ngunit hindi ito nagtagal. Mayroong tatlong pinapalagay na dahilan kung bakit natalo ang himagsikan. Ang unang dahilan ay ang pakadiskubre ni Gobernador Blanco sa planong pagsalakay. Ikalawa, ipinatapon ang 500 sundalo sa Mindanao. Ang huling dahilan ay ang hindi pagdating ng grupo ni Heneral Aguinaldo na dapat ay dumating mula Cavite.

Sa kabila ng kanilang hindi pagtatagumpay, ipinagpatuloy ni Bonifacio ang paglalaban. Hindi pinalampas ng mga Kastila ang mga pangyayari na hindi gumaganti. Maraming Pilipino ang nadakip. Isa na dito si Rizal. Pinatay siya sa Bagumbayan noong ika-30 ng Disyembre noong 1896. Habang lahat na ito ay nangyayari, naiisip ng mga kasapi ng puwersang mula sa Cavite, na hindi ang pamamalakad ni Bonifacio ang nais nilang sundin. Nais nilang lumikha ng estadong nakabatay sa ginamit na estado ng mga Kastila. Sa pagitan ng 22 Marso at 10 Mayo 1897, sa Tejeros, nawala ang estado ni Bonifacio (Haring Bayan/Republika ng Katagalugan). Pagkatapos agawin ang kapangyarihan noong 22 Marso 1897, inutos ni Aguinaldo na hulihin si

Bonifacio at ipapatay ito dahil sa nakita niyang magiging balakid si Bonifacio sa kanyang mga plano. Sa Bundok Buntis pinaslang ang Supremo noong Mayo 10, 1897.

Nakipagkasunduan si Aguinaldo sa mga Kastila sa Pakto ng Biak-na-Bato. Kasama sa kasunduang ito ang pagpapatapon kina Aguinaldo sa Hongkong. Sumunod dito ang digmaang Amerikano at Kastila. Sa “pangako” ng konsul na Amerikano na kikilalanin di-umano ang kalayaan ng Pilipinas sa sandaling mapaalis ang mga Kastila, sumama si Aguinaldo sa mga puwersa ni Admiral Dewey sa pagsalakay nito sa Maynila. Inokupa ito ng Amerikano at dahil di tinupad nito ang “pangako,” sumiklab ang Digmaang Pilipino-Amerikano at nadakip si Aguinaldo sa kanyang pinagtaguan noong 1901.

Sangandaan: Pakikibaka at Pakikibagay (1901 - 1913)

Dahil sa pag-aakalang tutulungan tayo ng mga Amerikano, pinakausapan ni Aguinaldo ang mga Pilipinong makipagtulungan sa mga Amerikano. Dito pumasok ang konsepto ng pakikibagay at nawala ang mga tunay na Anak ng Bayan.

Nang nahuli si Aguinaldo sa Palanan, Isabel noong Marso 23, 1901 naglaho ang Unang *Republica de Filipinas* at itinatag ng pamahalaang sibil ng Amerikano. Gayumpaman, hindi natapos ang pakikibaka ng mga Anak ng Bayan. Itinuloy ito ng ilang heneral ng Bayan, partikular sina Heneral Miguel Malvar at Macario Sacay. Sumuko si Malvar noong Abril 16, 1902. Si Sacay ay hinuli ng mga Amerikano sa pakikipagsabwatan sa elit. Naging bahagi ng pakikibaka ang panitikan na susulatin sa Tagalog at ibang wikang Pilipino. Nauso ang sarswelang makabayan at anti-Amerikano. Dahilan dito, dinakip ang ilang mga Pilipino. Sa ilalim ng Flag Law, ipinagbawal ng pamahalaang sibil sa pagwawagayway ng bandila ng bansa sa publiko. Sa teatro bumawi ang mga Pilipino.

Muling nabuhay ang kilusan ng mga ilustrado, ngunit ngayon iba na ang kalinangan dinidikitan nito. Kung dati Kastila ang kanilang ginagaya, mga Amerikano na ngayon ang kanilang sinandalan.

Pagbubuod

Malaki ang naging papel ng mga kaganapan sa panahon ng Bayan sa mga kaganapan sa ating kasalukuyan (panahon ng Bansa). Nagsimula ang yugto ng Bayan sa mga krisis na bunsod ng pagpasok ng dayuhan, taglay ang mga ideya’t balaking kanilang paiiralin. Pinalawak ng mga Kastila ang kanilang teritoryo upang lalong lumakas ang hawak nila sa Pilipinas ngunit hindi tuluyang nasakop ang kabuuan ng bansa. Nagawa ng estadong Muslim na manatiling Malaya dahil sa lakas ng kanilang pagkakaisa sa iisang relihiyon at ng kanilang kalinangan. Samantala, sa ibang mga lugar na tuluyang napasok ng dayuhan sa loob ng estadong kolonyal na ibinatay sa estadong Maynila ni Sulayman, ang Kristiyanismo ang naging daan upang mapasunod sa mga plano ng Kastila ang mga Pilipino. Naging bahagi rin ang ilang Pilipino sa pagpapalaganap ng kolonyalismo, at ito ay ang mga akulturadong elit o ladino na tuluyang nalinang sa diwang Europeo. Naipit ang mga Pilipino at naramdaman ang hirap na pinapasan. Nagkaroon ng maraming pag-aalsa ngunit nagwagi pa rin ang dayuhan. Sa huling bahagi, masasalamin ang pagkakaisa ng sambayanan at ang pagkawatak-watak nito.

Pagkakaisa *vis-à-vis* banyaga; pagkawatak-watak sa panloob na kaayusan. Pinakamalinaw na pagkakahiwalay sa panloob na kaayusan ay ang dambuhalang pagkakahating pangkalinangan na lumitaw na sa pagitan ng proyektong elit/elitista ng “nasyon” at ng proyektong bayan ng Inang Bayan at Haring Bayan. Ang una’y nakatuon sa katunggaling


banyaga sa kultura at wika at pati na sa mga hangaring sosyo-pulitikal at pang-ekonomiya; samantalang ang mga adhikain ng Katipunan ay nakaugat sa kalinangan at kabihasnang taal sa mga Pilipino. Isa ito sa mga tema ng susunod na yugto (**Bansa**). Pakitunghayan ang Dayagram VI.

Dayagram V
PAG-AANYO NG BAYAN SA AGOS NG PANAHON
*(Patungo sa **Bayan** bilang buong Kapuluan)*

PAG-AANYO NG BAYAN
<p>TALA: Sa panahong ito, ang ibang mga naninirahan sa arkipelago ay kapapasok pa lamang sa estadong kolonyal (cf. Magindanaw at Sulu; iba pang mga grupo, tulad ng sa Kordilyera) o hindi pa naipapasok (cf. Mangyan, Manobo ng interyong ng Mindanaw, atbp.).</p> <p style="text-align: center;">Himagsikan / Revolución</p> <ol style="list-style-type: none"> 2. Ang Nasyon (<i>nación</i>) nina del Pilar / Jaena / Rizal / Aguinaldo (<i>Filipinas; república</i>). Angkat na pagbubuo. 1. Ang Bagong Bayan ni Bonifacio (<i>Inang Bayan; Haring Bayang Katagalugan</i>). Pagbubuong taal at nakaugat sa sariling kalinangan. <p>D. Pagbubuo sa Lebel ng Buong Arkipelago bilang Natatangi't Iisang BAYAN (1892 - 1913)</p> <p style="text-align: center;">TUNGO SA BAGO AT MALAWAKANG KABUUANG BAYAN</p>
<p style="text-align: center;">Digma / Himagsik / Paghihimagsik</p> <ol style="list-style-type: none"> 3. Pagbubuo ng Bago / Pagpapalawak ng Dati (Malong, Silang, Hermano Pule, Balagtas) 2. Pagbabalik sa Dati ngunit maaaring may bagong anyo ito, bahagya man lamang (Ladia; Sumuroy; Malong; Dagohoy) 1. Estadong Muslim: pakikipaglaban (Kudarat; iba pang mga sultan at datu) sa Kastila, estado sa estado; pakikibaka rin ng mga kabuuang lumad na malalaya. <p>K. Pagpapanatili at Muling Pagbubuo / Muling Pagtatatag ng Dati o Pagbubuo ng Bago (1588-1892)</p> <p style="text-align: center;">TULUYANG KRISIS NG PAMAYANANG PILIPINO</p>
<p style="text-align: center;">Hari / Raha /Sultan</p> <ol style="list-style-type: none"> 3. Sultanato (mula 1450) 2. Karahaan (bago 900 MK) 1. Kaharian (bago h.k. 300 MK) <p>B. Estadong Etniko (h.k. 300 MK o bago pa rito – 1588)</p> <p style="text-align: center;">SINAUNANG KABIHASNANG PILIPINO (mula h.k. 800 BK)</p>
<p style="text-align: center;">Datu / Hari</p> <p style="text-align: center;">BAYAN (permanenteng komunidad at teritoryong pinagbabahayan) ILI / ILIHAN (komunidad na maaring lumipat-lipat / ilipat-lipat) BANUA (bilang teritoryo, “lupain” / “kalawakan”)</p> <p>A. Sinaunang Banua / Ili / Bayan (h.k. 7,000 BK – h.k. 300 MK)</p> <p style="text-align: center;">PANAHONG AUSTRONESYANO (hanggang h.k.800 BK)</p>

Rebisyon ng Salazar, 1997

Dayagram VI
Dambuhalang Pagkakahating Pangkalinangan



BANSA
Ang Ikatlong Yugto ng Kasaysayan ng Kapilipinuhan
(1913 - Kasalukuyan)

Sa ikatlong panahon ng ating kasaysayan, mula 1913 hanggang sa kasalukuyan, sentral na tema ang pinakatunguhing **pagbubuo ng bansa**. Sa pagsasagawa nito, layuning pagtugmain ang dalawang magkahiwalay at magkatunggaling kamalayang nailuwal ng mga nagdaang panahon upang maging batayan ng lilikhaing kabuuan. Tinalunton ng panahong ito ang hangaring mapagtagpo ang naitatag na nasyon ng mga elit sa dalumat ng pagsasarili sa loob ng isang kabuuan may sariling wika at kalinangan. Ito ang naging batayang tema sa buong peryodo kung saan umiinog ang mga kaganapan sa problema ng kalayaan at kasarinlan bilang pangkalinangang kakanyahan na taglay ng bayan sa mula't mula pa man. Mananatiling isang katanungan ang pagiging isang bansa habang ang dambuhalang pagkakahating pangkalinangan ay hindi pa napagtatagpo at napag-iisa [tingnan ang Dayagram VI].

Kabanata XI
Iisang Adhikaing Kalayaan: Magkasalungat na Pagbubuklod (1913 - 1946)

1913 – 1925	1925 – 1935	1935 – 1942	1942 – 1946
PagsasaPilipino at PagpapakaPilipino	Paghahabol ng Kalayaan: Mga Bagong Ilustrado	Pinagkatiwalang Estado: Kabuuang-may-lamat	Digma: Huwad at Hangad na Kalayaan

PagsasaPilipino at PagpapakaPilipino (1913 - 1925)

Hindi maaaring sabihing magkatumbas ang konseptong “*PagsasaPilipino*” at ang “*PagpapakaPilipino*.” Ang bahaging ito ng ating kasaysayan ang magpapatunay sa pagkakaiba ng dalawang konsepto.

1913 nang magapi ang mga Moro o Pilipinong Muslim ng Sulu sa labanan sa Bud Bagsak. Ang mitsa ng labanan ay paghihinala ng Amerikano na kasangkot si Sultan Tahid sa isang sagupaan. Mas malalim pang dahilan ay hindi talaga sang-ayon ang mga Muslim sa panghihimasok ng mga Amerikano. Sa harap ng mga pagsubok ng mga Amerikanong hanapin siya, nagbitiw ng isang matapang na pananalita si Tahid na hindi siya susuko sa mga puti.

Sa taong ito rin naitakda ang Araw ng mga Manggagawa. Ang Underwood-Simon’s Act na nag-aalis ng mga quota sa mga export ng Pilipinas sa Amerika ay naipasa rin sa kongreso, ito ay ilan sa mga pangyayaring tumulak sa lalong pagpapakaPilipino ng kapuluan.

PagsasaPilipino naman ng burukrasya ang binalak ni Francis Burton Harrison. Tunay ngang mga Pilipino nga sa itsura at dugo ang mga inilagay sa puwesto ng mga Amerikano, ngunit sa puso at diwa, mga Amerikano ring kulay lupa ang kanilang nailuklok. Mga Pilipino kasama sa elit ang kanilang inilagay sa pamahalaan, mga Amerikano sa kilos, isip at gawa. Samantala, ang batas Jones naman na naglalayong pabilisin ang paggawad ng kalayaan sa Pilipinas ay ipinagtibay nang 29 Agosto 1916. Inilathala noong 1925 ang unang librong Pilipino sa Ingles, ang *Child of Sorrow* na may bersyon sa Kapangpangan at Tagalog (*Anak na Dalita*), tanda ng direksyon ng Dambuhalang Pagkakahating Pangkalinangan patungo sa Ingles ng mga elit at elitista.

Paghahabol ng Kalayaan: Mga Bagong Ilustrado (1925 - 1935)

Ang pagsibol ng bagong ilustrado ang tanda ng panahong ito. Nagsimulang pasukin ng mga elit ang mga mahahalagang puwesto sa pamahalaan, lipunan at sa simbahan. Isang tanda nito ang *Child of Sorrow* ni Galang na siyang unang nobelang naisulat sa Ingles na nailathala noong 1925.

Sa paglitaw ng ganitong elit, nahati ang mga Pilipino sa dalawa, ang bayan at ang mga elit na handa't sabik na umangkin ng kulturang inihahain ng mga Amerikano. Sa mga ibang dako ng kapuluan, nagkaroon ng mga rebelyon. Sa Pangasinan, sa Bulacan, Laguna at Surigao ay nagkaroon ng mga kalaban ang gobyerno. Lumabas ang "Sakdal," isang sulating pinamunuan ni Benigno Ramos na bumatikos at kumalaban sa pamahalaan.

Lumakad ang isang misyong pangkalayaan ng mga Pilipino na naging isa na namang okasyon ng hindi pagkakaisa. Pinaaabrubahan nina Quezon at Roxas ang batas Tydings-McDuffie na naglalayong magpapalaya sa Pilipinas. Ang katawatawa rito ay ang batas na ito ay isang halos eksaktong kopya ng Hare-Hawes-Cutting Bill na hindi inaprubahan ng mga ibang Pilipino sa kadahilanang hindi sila ang gumawa nito.

Sa pagpasa ng Tydings-McDuffie, naitatag noong 1935 ang pamahalaang komonwelt na pamumunuan ni Manuel L. Quezon.

Pinagkatiwalang Estado: Kabuuang-may-lamat (1935 - 1942)

Isa sa mga kondisyon ng pagpapalaya sa Pilipinas na nakasaad sa batas Tydings-McDuffie ay ang pagtatatag ng isang pamahalaang Komonwelt na naglalayong maghanda sa Pilipinas sa paglaya, kaya ang tila naganap na pangarap ng kalayaan ay bigla na namang napalayo sa mga Pilipino. Nilagdaan noon Pebrero 19, 1935 ang saligang batas na magiging batayan ng pamamahala ng Komonwelt na itinatag noong ika-15 ng Nobyembre, taong 1935.

Sa panahong Komonwelt bubuuin ang hukbong sandatahan ng Pilipinas, gagawin ang pagsasaayos ng kabuhayan ng Pilipinas. Naging pangunahing layunin din ng pamahalaang ito ang pagpili ng wikang pambansa.

Upang mabuo ang militar na lakas ng Pilipinas kinuha ang tulong ni Heneral MacArthur. Ginamit ng Heneral ang programa ng ROTC na taunang nagsanay at kumuha sa mga lalaking Pilipino na lampas ng dalawampung taong gulang upang maging bahagi ng hukbong militar ng Pilipinas na gagamitin sa nagbabadyang Digmaan. Sinimulan ang programang ito sa mga pamantasan.

Sa wikang pambansa naman, naaprubahan ang rekomendasyon ng assemblya ni Wenceslao Vinsons na gamitin ang wikang Tagalog bilang wikang pambansa. Ang pagproklama sa Tagalog ilang wikang pambansa ay naganap noong Disyembre 30, 1937.

Sa ilalim din ng Komonwelt naganap ang plebisitong isinagawa upang malaman kung dapat bigyan ng karapatang bumoto ang kababaihang Pilipino. Nangyari ito noong ika-30 ng Abril 1937. Nabigyan ng karapatan ang mga Pilipinang humalal ng mga mamumuno sa bansa.

1941 nang natapos ang unang termino ni Quezon bilang pangulo ng komonwelt at muli siyang naihalal noong ika-11 ng Nobyembre noong taon ding iyon kasama si Sergio Osmena bilang pangalawang pangulo.

Digma: Huwad at Hangad na Kalayaan (1942 - 1946)

Dahil sa pagkakahawak ng Amerika sa Pilipinas, nasangkot ito sa digmaang naganap sa pagitang ng mga Amerikano at ng mga Hapon. Ang pagbomba ng Pearl Harbor ay naging

hudyat ng pagpasok ng mga Hapones sa Pilipinas. Inilikas sina Quezon at Osmena sa Corregidor at, pagkatapos sa Australia. Ika-2 ng Enero 1942 napasok ng mga Hapon ang Maynila.

Sa panahong ito ipinangako ng Hapon sa mga bansa sa Asya ang kalayaan mula sa kolonyalismong kanluranin. Sa Pilipinas, inatasan ang KALIBAPI, Kapisanan sa paglilingkod sa Bayang Pilipinas na sumulat ng isang saligang batas. Pagkatapos nito, iniluklok si Jose P. Laurel bilang pangulo ng isang Republika sa ilalim ng puwersang Hapon. 1944 na nang makabalik ang mga Amerikano sa Pilipinas. Agosto 9, 1944 binomba ng mga Amerikano ang Davao at nang sumapit ang Oktubre 20, 1944 dumaong sa Leyte. Ika-15ng Hulyo, 1945 ipinahayag ni Heneral MacArthur na napalaya na ang kabuuan ng Pilipinas. Ang pagbagsak ng Amerikano ng mga bombang atomiko sa Hiroshima at Nagasaki ang nagpasuko sa Hapon noong ika-15 ng Agosto 1945.

Tinanggal sa pagkapangulo ni Jose Laurel at ibinalik ito kay Osmena. Muling nagkaroon ng halalan noong Abril 23, 1946 at nanalo rito si Manuel Roxas. Noong Hulyo 4, 1946 “iginawad” ang kalayaan sa Pilipinas.

Kabanata XII **Estadong Nasyonal at ang Pagbubuong Bayan (1946 – 1972)**

1946 – 1954	1954 – 1963	1963 – 1972
Masukal na “ <i>Independence</i> .” Ipinaglabang Kalayaan	Barong Filipino: Krisis sa Identidad	“Makibaka! Huwag Matakot!” Krisis ng Sistema

Masukal na “Independence:” Ipinaglabang Kalayaan (1946 - 1954)

Bagamat inihayag na ang kalayaan ng Pilipinas, hindi naging madali ang pagkamit ng mga Pilipino ng tunay na kalayaan. Sa pamumuno ni Roxas bilang pangulo sa labas ng komonwelt nagkaroon kaagad ng hidwaan sa pagitan ng Pilipino. Nagkaroon ng pag-aawa sa pagitan ng pamahalaan at ng Huk, isang grupong naitag noong panahon ng pananakop ng Hapon na naglalayong paalisin ang mga mapang-aping Hapon, sa pagkamatay ng lider ng Huk na si Juan Feleo sa kamay ng mga Pulis. Pinaghinalaan ng mga Huk si Roxas bilang pasimuno ng pagpatay kay Feleo. Sa Kongreso naman ipinatupad ang parity amendment at nabigyan ang mga Amerikano ng Parity rights. Dahil rin sa isang batas, napatupad ang malayang kalakalan sa pagitan ng mga Amerikano at ng mga Pilipino. Sa panahon ring ito naitayo ang mga Base Militar kaalinsunod sa kasunduan sa base militar. Isinasaad sa kasunduang ito na pahintulutan ang mga baseng militar na manatili sa bansa sa loob ng 99 na taon. Ilan ito sa mga problemang natamo ng Pilipino sa pamumuno ni Roxas.

Sa kabila ng mga ito, naitayo rin naman ni Roxas ang Pilipinas mula sa kaguluhan ng Digmaan. Pinatawad rin ni Roxas ang mga naakusahang nakipagtulungan sa mga Hapon.

Natapos ng maaga ang termino ni Roxas ng siya ay namatay dahil sa atake sa puso. Pinalitan siya rin Quirino na siya rin nanalo sa sumunod na halalan noong 1949. Sa pamumuno ni Quirino nagkaroon ng dalawang mahalagang tulak ang manggagawang Pilipino. Naipasa ang batas sa pinakamababang sahod. Naitatag rin ang Magna Karta sa Paggawa. Itinalaga rin niya si Magsaysay bilang sekretaryo para sa Pambansang Seguridad. Naging pangunahing proyekto

napagsuspetsiyahan ng mga kaugnayan sa mga nasabing grupo. Dito nakilala si Magsaysay na di kalaunan ay papalit kay Quirino sa Pagkapinuno ng Bansa.

Barong Filipino: Krisis sa Identidad (1954 - 1963)

Ang tunay na krisis ng Pilipino ay ukol sa kanyang identidad. Kitang kita ito sa kanyang mga pagpupumilit na makilala sa Internasyonal na larawan. Ang pagtatatag ng SEATO noong 1954 at ng MAPHILINDO noong 1963 ay mga patunay sa krisis na ito.

Sa kabila nito, nagkaroon ng isang ilaw ang pagpapakaPilipino, sa panahon ni Magsaysay bilang pangulo, nabigyang pansin ang mga suliranin ng mga ordinaryong mamamayan. Pinaunlad ang kalagayan ng mga mahihirap sa pagpapagawa ng mga proyektong nakatuon sa bayan. Ipinalaganap rin niya ang paggamit ng Barong Tagalog bilang kasuotang pang-opisina, kasuotang di hamak na mas angkop sa ating klima kaysa sa dating usong putting amerikana. Sa panungkulan rin ni Magsaysay natigil nang pansamantala ang rebelyon ng Huk. Sa mga pagsisikap ni Magsaysay na mapaamo ang grupo, sumuko si Luis Taruc. Hindi matutuloy ang mga planong magaganda ni Magsaysay sa kadahilanang siya ay mamamatay sa isang aksidente sa sinasakyan niyang eroplano.

Si Carlos P. Garcia ang manungkulan sa nalalabing taon ng termino ni Magsaysay. Siya rin ang nanalo sa sumunod na halalan. Ang isa sa pinakamahalagang kontribusyon ng pamumunuang Garcia ay ang pagpapaandar ng patakarang “Pilipino Muna.” Nabigyan ng kinakailanang proteksyon ang mga Pilipinong imbester na mapalakas ang kanyang hawak sa ekonomiya ng Pilipinas, na magiging imposible sa gitna ng malalaking kompanyang internasyonal na naghahari sa komersyo sa Pilipinas. Isa pang mahalagang kaganapan sa terminong ito ay ang pagbabawas 99 na taon ng pamamalagi ng mga baseng militar dito sa Pilipinas sa 25 taon na lamang. Naibalik rin ang Olangapo City sa pamahalaan ng Pilipinas. Sa kabila ng mga pagbabagong ito, nananatili pa rin ang kawalan ng kasiyanhan ng ilang mga Pilipino sa pamahalaan. Isinulat ni Amado V. Hernandez ang Luha ng Buwaya, isang sulating bumabatikos sa pamahalaan.

Nanalo sa susunod na halalan si Diosdado Macapagal. Pinalitan niya ang araw ng kalayaan at ipinalit dito ang Araw ng Hunyo 12, 1898 bilang ang takdang petsa. Noong ika-31 ng Hulyo 1963 pinirmahan naman ng iilang lider ang Manila Accord na nagsasaad ng pagbubuklod ng Malaysia, Pilipinas at ng Indonesia sa ilalim ng MAPHILINDO. Pinaunlad rin ni Macapagal ang wikang pambansa. Ginamit ito sa opisina at mga paaralan. Isinalin rin ang mga mahahalagang dokumentong ginagamit tulad ng pasaporte at mga selyo. Sinimulan rin ang pagbigay ng mga pangalang Pilipino sa mga bagyo. Sa pagpasok ng mga sumusunod na taon, unti-unting napalitan ang dating krisis sa identidad ng isang krisis sa sistema.

“Makibaka! Huwag Matakot!” Krisis ng Sistema (1963 - 1972)

Hindi pa rin naligayahan ang mga Pilipino sa pamamalakad ng pamahalaan at nadagdagan ang mga kilusan laban sa pamahalaan. Nabuo ang Kabataang Makabayan. Binuo at nahalal na pangulo noong ika-30 ng Nobyembre 1964 si Jose Maria Sison, isang guro ng literature ang KM. Nabuo rin ang National Union of Students of the Philippines.

Nahalal bilang pangulo si Ferdinand Marcos noong halalan nang 1965. Sa unang panunungkulan ni Marcos naganap ang pagpapadala ng 2000 na military sa Digmaang Vietnam bilang tulong sa mga Amerikano. Naging pormal rin ang 25 na pananatili ng mga baseng militar sa Pilipinas. Ito ay nagsasabing sa 1991 ay kinakailangan ng umalis ng mga Amerikano sa mga baseng militar.

Sa panahong ito, lalong nag-alab ang pagnanasa ng mga Pilipinong matutong tumayo at umalis sa kandungan ng mga Amerikano. Binuo ng mga nasyonalista mula sa iba't ibang sector ang MAN, Movement for the Advancement of Nationalism.

Nanalo sa susunod na halalan si Marcos. Dito sa panahong ito magsisimula ang paglala ng mga di kasiyahan ng mga mamamayan. Nagkaroon ng demonstrasyon ang mga aktibista sa isang "State of the Nation Address" ni Marcos. Nakiusap si Edgar Jopson, pangulo ng NUSP kay Marcos na huwag tumakbo sa susunod na halalan at sa pagiging walang kinikilangan ng magaganap na constitutional convention na magsasaayos ng Saligang Batas. Nagkaroon ng gulo sa labas ng Malakanyang at naganap ang tinatawag na battle of Mendiola. Nagkaroon ng kaguluhan sa pagitan ng halos 2000 na aktibista at ng mga pulis. Namatay ang anim na mag-aaral sa sagupaan. Noong taong 1971 naman itinatag ni Nur Misuari ang Moro National Liberation Front, MNLF. Naglayon ang grupong itong palayain ang mga Muslim sa Mindanao.

Hindi natigil ang kaguluhan. Noong ika-21 ng Agosto ay nagkaroon ng pagsabog sa Plaza Miranda sa kampanya ng partido liberal. Namatay ang siyam na katao. Nasugatan ang mga kandidato. Inakusahan si Benigno Aquino Jr. na kasabwat sa kaganapang ito sa dahilan na wala siya sa naganap na pagbomba. Noong Setyembre 15, 1972 nagsalita si Benigno Aquino at ibinunyag niya ang pagkakaroon ng OPLAN Sagitarius na nagbabalak na ipasailalim ang Bansa sa Batas Militar.

Hindi ito nakapigil sa pagpasok ng Batas Militar sa Pilipinas ng ika-21 ng Setyembre 1972. Dito pumasok ang Pilipino sa isa sa mga pinakamahirap niyang digmaan, isang digmaang laban sa kanyang kapwa Pilipino.

Kabanata XIII

Paghahanap ng Kasarinlan: Lihis na Landasin (1972 – 1986)

1972 – 1986	1978 – 1983	1983 – 1986
Kontra-rebolusyon: Batas Militar	Krisis ng Pagbubuong Nasyonal	Sa Bingit ng Himagsikan: Pambansang Pagtutol

Kontra-rebolusyon: Batas Militar (1972 - 1986)

Ang Batas Militar ay ipinahayag sa Pilipinas noong Setyembre 21, 1972 sa kadahilanang kailangan raw ito sa muling pagbuklod ng Pilipinas at upang masupil ang mga karahasang nagiging laganap. Maraming naganap sa mga panahong ito. Nagkaroon ng malawak na kapangyarihan si Marcos kaya marami siyang nagawa at nabago. Marami rin ang natakot at napahirapan sa mga panahong ito.

Kasama sa mga unang hakbang na isinagawa noong panahon ng Batas Militar ay ang pagbuwag sa mga partido. Ito raw ay kailangan sa pagkakaisa ng Pilipinas. Pinaunlad rin ang kabuhayan ng Pilipinas. Nagkaroon ng mga reporma sa paghawak sa lupa. Itinatag ang NGA, National Gains Authority upang maipasok ang mga reporma sa kabuhayan at sa Lipunan. Sa tulong rin ng NGA napataas ang pag-ani ng bigas sa Pilipinas.

Disiplina ang susunod na pinansin ng pamahalaan sa ilalim ng Batas Militar. Dinisiplina ang mga opisyal ng pamahalaan. Gumawa ang pangulong Marcos ng isang kautusan na naglalarawan ng mga dapat gawin ng isang opisyal. Sa disiplinang panlipunan naman, itinatag

ang curfew upang masupil ang pagtaas ng krimen. Sa simula ang curfew ay itinakda ng 12ng hatinggabi. Iniurong ito sa 1 hanggang 4 pagkaraan ng panahon.

Pagsapit ng 1973, gumawa ng bagong konstitusyon ang pamahalaan. Ang ilan sa mga mungkahi ng konstitusyong ito ay ang pagkawala ng lehislatibo, ang paglalagay sa kamay ng Pangulo ng kapangyarihan bilang pangulo at punong ministro, ang pagpapalit sa anyong parliamentaryo ng kasalukuyang pamumunuang pampangulo, at ang pagbigay sa pangulo ng karapatang tumawag ng pulong ng pansamantalang Batasang Pambansa.

Nagkaroon rin ng mga kaunlaran sa imprastruktura. Naitayo ang CPP na naging sentro ng sining.

Nagkaroon rin ng mga pagbabago sa pakikipag-ugnayan ng Pilipinas sa ibang bansa. Pinalawak ang pakikipag-ugnayan ng Pilipinas sa mga komunistang mga nasyon tulad ng Tsina at ng Rusya. Ang ugnayan sa mga Hapon ay ipinagpatuloy rin.

Binago rin ang ilan sa mga patakaran ukol sa mga base military. Pinasimulan ang pagkilala ng Amerika sa kapangyarihan ng Pilipinas sa loob ng mga base. Nagkaroon rin ng isang Pilipinong kumander sa bawat base. Pinalitan rin ang lupang sakop ng mga Base Militar at ginamit iyon sa mga bagay na pakikinbangan ng mga Pilipino.

Sa puntong ito ng sulatin, parang lahat ng idinulot ng Batas Militar ay mabuti, ngunit kung susuriing mabuti marami ring sakit at karahasang naidulot ang Batas Militar. Umiral ang katahimikan dahil nawalan ang mga tao ng kapangyarihang magpahayag. Sa pagpasok ng Batas Militar, dinakip ng walang prosesong dinaanan ang mga kalaban ng pamahalaan. Nawalan ng karapatan sa malayang talakayan ang dyaryo, radio at ang telebisyon. Ito ang ilan sa mga dahilan kung bakit marami ang ginusto na lang na sumanib sa mga grupong tulad ng komunistang pinamunuan ni Jose Maria Sison. Naging isang lihis na landasin ang pagkontra ng pamahalaan sa rebolusyon.

Krisis ng Pagbubuong Nasyonal (1978 - 1983)

Sa pag-alala ng pagpapahayag ng kasarinlan ng Pilipinas noong Hunyo 12, 1978, pinasinayanang pansamantalang Batasang Pambansa. Sa pagtitipong ito ay ipinangako ng Pangulo na kung mapapatunayan ng Pilipinong handa na siyang pumasok sa isang pamahalaang halal ng bayan, ay muling ibabalik ang ganitong sistema sa Pilipinas.

Nagkaroon ng unang halalan sa ilalim ng batas militar noong Enero 30, 1980. Naghalal ng mga opisyal sa lokal na pamahalaan. Nagkaroon ng isang tunay na malakas na partido, ang KBL, habang nagkaroon naman ng tatlong oposisyon sa malakas na partidong ito. Katulad ng inaasahan, puro mula sa KBL ang nanalo at muli ang mga pangarap ng Pilipino ng isang malayang halalan ay nagdilim.

Noong Hunyo 16, 1981 naganap naman ang unang halalang pampangulo sa labas ng batas militar. Tumakbo at nanalo muli si Marcos. Hindi ito naging isang tunay na halalan dahil hindi nangampanya at bumuto ang kanyang kalaban sa paniniwlang hindi magiging malaya ang halalan. Ipinahayag ang bagong Republika ng Pilipinas noong Hunyo 30, 1981.

Sa Bingit ng Himagsikan: Pambansang Pagtutol (1983 - 1986)

Matapos ng tatlong taong pagkakatapon sa Amerika, ni-nais ni Benigno Aquino na bumalik sa Maynila upang makipagkasundo kay Pangulong Marcos. Ang kanyang pagbalik noong Agosto 21, 1983 ay sinalubong ng karahasan. Inaresto siya sa kanyang pagdating sa

paliparan at binaril siya ng isang mamamatay tao, na hanggang ngayon ay hindi pa nasisiguro kung sino.

Naganap ang pinakamalaking libing sa kasaysayan ng Pilipinas noong Agosto 31, 1983. Dinaluhan ang libing ni Aquino ng higit sa dalawang milyong tao. Nagkaroon ng maraming demonstrasyon at rali pagkaraan ng ilang lingo. Nagsuot ang tao ng mga dilaw na t-shirt at hiniling ang pagbibitiw sa tungkulin ni Pangulong Marcos.

Kabanata XIV
Paghahanap ng Kasarinlan: Pagtutuwid ng Landas (1986 – 2004)

1986	1986 – 1992	1992 – 2001	2001 – Kasalukuyan
Kudeta at Pag-aalsang Bayan: Ang Penomeno ng EDSA	Restorasyon at Kudeta: Ang Kapangyarihan ng Elit	BAYAN, MASA at Ekonomiya: Magkakaugnay na Krisis	Panibagong Krisis ng Buong Sistemang Sosyo-Pulitikal

Kudeta at Pag-aalsang Bayan: Ang Penomeno ng EDSA

Nagsilbing mitsa ng reolusyon ng EDSA ang pagkamatay ni Ninoy Aquino. Ang isang kapuna-punang katangian ng rebolusyong ito ay ang panandaliang pagsasama ng bayan at ng nasyon.

Nagsimula ang pangyayaring ito sa isang pgbabalak ng isang coup de etat nina Fidel Ramos at si Juan Ponce Enrile, dalawa sa mga pinagkkatiwalaan ni Marcos.

Nang malaman ni Marcos ang kanilang balak ay inatasan ang hukbo ng supilin ang kanilang puwersa at huliin ang dalawang pinuno. Kinailangan ngayon ng proteksyon ng dalawang pinuno kaya sa tulong ni Jaime Cardinal Sin ay pinatawag niya ang mga tao upang harangan ang daan patungo sa mga kampong pinagtataguan.

Nagdagsa ang mga tao sa kahabaan ng EDSA dala-dala ang kanilang mga rosaryo at muli pagkatapos ng isang mahabang pagkakahiwalay, nagsama ang mayaman at mahirap upang ipakita na handa silang ipaglaban ang kanilang kalayaan.

Hindi nakalapit ang mga tanke at napilitan si Marcos na tanggapin ang pagkatalo. Kasama ng kanyang pamilya, lumikas siya patungong Hawaii.

Tunay na kakaiba ang penomeno ng EDSA ngunit hindi pa matatapos ang mga problema ng Pilipinas.

Sa pagtagal ng panahon, parang mawawala ang pag-aalab na dama noong ika-25 ng Pebrero 1986.

Restorasyon at Kudeta: Ang Kapangyarihan ng Elit (1986 - 1992)

Si Corazon C. Aquino, asawa ng namatay na si Benigno Aquino, ang napiling pangulo ng taong bayan noong rebolusyon ng EDSA. Maraming nakaharap na problema ang kanyang administrasyon. Binalangkas sa panahong ito ang 1987 Konstitusyon. Inayos din ang mga problemang naiwan ng dating administrasyon.

Nagkaroon ng mga kalaban ang administrasyon. Sa loob ng tatlong taon, nagkaroon ng anim na coup de etat ay pinamunuan ni Gregorio Honasan, isang mahalagang tao sa EDSA rebolusyon. Marami ang nasugatan at nasaktan. Inatake ang Malacanang, Kampo Aguinaldo,

Villamor Air Base at PTV 4. Sa kabutihang palad, walang nagtagumpay na coup de etat. Nagkaroon din ng problema sa MNLF at sa mga iba pang grupong kumakalaban sa pamahalaan.

Nagkaroon din ng mga kalamidad na gumalantang sa bansa. Ang mga ito ay ang lindol na naganap noong Hulyo 16, 1990 at ang pagsabog ng Bulkang Pinatubo.

Isa sa mga suliranin ng Pilipinas ay ang napakalaki nitong utang sa dayuhan na nagmula pa sa pamumuno ni Marcos. Nagresulta ito hindi lamang sa taas ng bilingin kundi na rin sa pananatili natin sa ilalim ng kapangyarihan ng mga dayuhan.

May mga kabutihang din namang naipasok noong panahong ito. Isa ay ang pag-alis ng base militar sa Pilipinas at ang pagtatag ng CARP na nagbigay ng lupa sa magsasaka.

BAYAN, MASA at Ekonomiya: Magkakaugnay na Krisis (1992 - 2001)

Si Fidel V. Ramos ay ang nanalo noong halalan nang 1992. Kilala siya sa slogan “Philippine 2000.” Sa pamumuno niya, sinasabing bumaba ang kriminalidad. Kahit mga impluwensyal na mga tao ay hindi nakaligtas mula sa batas. Nakasuhan sina Mayor Sanchez at si Claudio Teehankee sa kabila ng kanilang impluwensiya.

May nakaharap ding mga suliranin ang pamahalaan. Nagkaroon ng lamat ang ugnayan ng Singapore at Pilipinas sa pagdating ng kaso ni Flor Contemplacion, isang OCW sa Singapore. Sa United Arab Emirates naman ay nabalitaan ang pagpapahirap sa isang OCW na nanggagalang Sarah Balabagan. Nagresulta ito sa hinanakit ng mga Pilipino sa dahilang ipinagtanggol lamang ni Sarah ang kanyang sarili kaya niya napatay ang kanyang amo.

Sinubukan ding ayusin ng pamahalaan ang problema sa MNLF. Ang mga problema sa ekonomiya rin naman ay sinubukang tugunan. Sa kabila ng hindi pagsang-ayon ng mga Pilipino sa patuloy na pagkiling natin sa mga international na puwersa sa komersyo, pilit pa rin pumasok ang Pilipinas sa mga ugnayan sa ibang bansa. Naganap ang 1996 APEC Summit noong Nobyembre 1996.

Bagamat wala namang nakitang mabibigat na ebidensya ng masasamang balak sa pamahalaang Ramos, pinag-ingatan ng mga Pilipinong hindi na maulit ang karahasan ng batas militar. Hindi natuloy ang mga balaking baguhin ang Konstitusyon lalo na sa mga tuntunin sa termino ng pangulo sa kabila ng pagsisikap ng pangulong ipatupad ang mga ito.

Napalitan si Ramos ni Joseph Estrada. Nakilala siya sa islogang “Erap para sa Mahihirap.”

Tunay na makasaysayan ang pagkapanalo ni Pangulong Erap sa ngalan ng mga mahihirap sapagkat nakuha niya ang paniniwala ng mga karaniwang tao bago natapos ang eleksyon. Siya ang naging tunay na paborito ng mga tao at ito ang nagpapanalo sa kanya.

Nang tumagal na ang kanyang termino, nawalan ng kumpiyansa sa kanya ang mga elit at elitista. Lantad at lihim na kinabaka ng mga ito si Erap at simula Enero 2000 tahasan nang plinano ang isang kudeta laban sa kanya sa pakikipagsabwatan nina GMA, Ramos at Cory sa ilang mga heneral, sa mga miyembro ng Makati Business Club at pati na kay Chief Justice Davide. Kahit na ang mga maka-Kaliwa ay napasama/nakisama. Enero 2001 napabagsak si Erap ng tinaguriang EDSA II, tanda na hindi talaga maatim ng uring elit at ng mga elitista ang isang pinunong iniluklok ng Bayan. Makikita rin ito sa kaso ng “aktor lamang” na si FPJ sa susunod na yugto.

Nagamit ng Oposisyon ang pangyayaring sumang-ayon si Pangulong Erap sa VFA o Visiting Forces Agreement.

Nagpatuloy rin ang pagtaas ng presyo ng langis. Bilang isang solusyon sa katiwalian, tinanggal ang *pork barrel*. Marami rin ang hindi natuwa sa kanyang pamamalakad at pagpili ng

mga katuwang sa pamamahala. Nagkaroon din ng isyu sa pagmamanipla ng “Stock Market.” Napababa ang tiwala ng mga elit na Pilipino sa nakaluklok na pinuno ngunit hindi naman masasabing nagmumula sa kanya ang lahat ng problema ng bansa. Noong Enero napababâ sa kapangyarihan si Pangulong Estrada sa pakikipagsabwatan ng militar sa pamumuno ni Heneral Angelo Reyes.

Panibagong Krisis ng Kabuuang Sosyo-Pulitikal (2001 - Kasalukuyan)


Bagamat nagkaroon ng pagkakataon si Macapagal-Arroyo (GMA) na isaayos ang bansa tulad nina Cory, Ramos at Erap, ang naging pagkakamali niya simula’t sapul ay ang tangkaing palitan si Pangulong Erap sa paraang di-ayon sa Saligang Batas (sa kabila ng kooperasyon ni Justice Davide) at laban sa kagustuhan ng masa (Bayan) na humalal kay Pangulong Erap. Tututol ito sa EDSA III na hahantong sa pagsalakay sa Malacañang noong Mayo 1, 2001. Sinupil ito; ngunit hindi rin nasupil ang mga katiwalian sa gobyerno at pati na ang “jueteng gate” isyu na ginamit laban kay Pangulong Estrada. Nagkaroon ng mga banta ng kudeta at nagtangka ngang magkudeta ang mga nakababatang opisyal ng Sandatahang Lakas (Oakwood). Sa eleksyon ng Mayo 2004, sinikap ni GMA na mahalal “sa lahat ng paraan” laban kay Fernando Poe, Jr. (FPJ). Sinasabing naganap ang malawakang pandaraya. Nang namatay si FPJ noong Disyembre, nakita ng buong Pilipinas sa madamdaming pagluluksa sa “aktor lamang” ang katotohanang si GMA talaga ang natalo sa eleksyon. Naging malinaw na ang pinasapit ng kaelitan sa dalawang magkaibigang “artista lamang” na sina Erap at FPJ – ang “pagka-agaw” ng kapangyarihan sa una at ang “pagkanakaw” sa ikalawa ng pagkapanalo sa halalan – ang siyang sanhi ng krisis sa kabuuang sosyo-pulitikal, marahil mas malubha pa kaysa krisis na pinasapit ni Marcos sa pagbubuo ng bansa.

PERSPEKTIBA

Kabuan at Pambansang Kabihasanan

Sa paglalagom, makikita na ang kasaysayang Pilipino ay walang iba kundi ang pagsulong ng kalinangang Austronesyano sa kapuluan. Ang kalinangang pangkapuluang ito, simula ng ika-17 dantaon, ay magkakasanga bunga ng pagkahigop ng ilang Pilipino -- *i.e.* ladino, paring sekular, ilustrado, propagandista at kasalukuyang elit -- sa ibang kultura (*kanluranin*). Ito ang dahilan kung bakit ang kasalukuyang nasyong Pilipino ay dumaranas ng isang *dambuhalang pagkakahating pangkalinangan*, kung saan ang elit ay may kulturang banyaga samantalang ang nakararami ay nakaugat pa sa tunay at taal na kalinangang bayan na nabuo at patuloy na nabubuo sa pamamagitan ng wika-at-kulturang P/Filipino. Ang pagwawagi ng nasyon (*nación*) sa larangang sosyo-pulitikal ang magiging dahilan kung bakit, sa kabila ng matagal na pagsusumikap ng nagpakabanyagang pamunuang Pilipino, ay patuloy pa rin ang mga krisis panlipunan. Marahil, giginhawa lamang ang kabuan kung magbabalik-loob ang mala-banyagang elit sa Inang Bayan at masasaklaw ng kalinangang bayan ang kulturang nasyonal at mala-banyagang (*kanluranin*) pamunuan upang sa wakas ay mabuo ang pambansang kabihasanan. [Tingnan ang Dayagram VII].

Dayagram VII
PROSESONG PANGKASAYSAYAN:
Mula sa Dating mga Kabuuang Sosyo-Pulitikal Tungo sa Pambansang Pagbubuo



Preliminaryong Bibliograpiya

Mga Aklat

- Battesti, Teresa at Henri-Jean Schubnel (mga pat.). *Trésors des Philippines. Archipel des rites*, Paris: Museum National d'Histoire Naturelle, 1994.
- Bellwood, Peter S. (pat.). *Archeological Research in South-Eastern Sabah*. Kota Kinabalu: Sabah Museum and State Archives, 1988.
- Bellwood, Peter S. *Man's Conquest of the Pacific*. New York: Oxford University Press, 1979.
- _____. *Prehistory of the Indo-Malaysian Archipelago*. Sydney: Academic Press, 1985.
- Bellwood, Peter S., James J. Fox, at Darrell Tyron (mga pat.). *The Austronesians: Historical and Comparative Perspectives*. Canberra: Australian National University, 1995.
- Benedict, Paul. *Austro-Thai Languages and Culture*. Human Area Relations Files, 1975.
- Blundell, David (pat.). *Austronesian Taiwan. Linguistic History, Ethnology and Prehistory*. Taipei: SMC Publishing, Inc., 2001.
- Bulalacao, Lolita (pat.). *A Voyage of 100 Years*. Manila: National Museum, 2001.
- Calleja-Reyes, José. *Bikol Maharlika*. Manila: Goodwill Trading, Inc., 1992.
- Casal, Gabriel et al (mga pat.). *The People and Art of the Philippines*. Los Angeles: UCLA Museum of Cultural History, 1981.
- Casal, Gabriel, Eusebio Dizon at Wilfredo Ronquillo (mga pat.). *The Earliest Filipinos. Vol. II, Kasaysayan. The Story of the Filipino People*. Hongkong: Asia Publishing Co., Ltd., 1998.
- Castaña, José. *Breve noticia acerca del origen, religión, creencias y supersticiones de los antiguos indios del Bicol*. Nasa: Retana, Wenceslao E. *Archivo del Bibliófilo-Filipino*. Tomo I. Madrid: Imp. de la Viuda de M. Minuesa de los Rios, 1895.
- Chen, Chi-lu. *Material Culture of Formosan Aborigines*. Taipei: The Taiwan National Museum, 1968.
- Coedès, Georges *Les états hindouisés d'Indochine et d'Indonésie*. Nouvelle édition revue et mise à jour. Paris: E. Brochard, 1964.
- Cole, Fay-Cooper. *The Bukidnon of Mindanao*. Chicago: The National Museum Press, 1956.
- _____. *The Tinguian. Social, Religious and Economic Life of a Philippine Tribe*. Chicago: Field Museum of Natural History, 1922.
- Cole, Mabel Cook. *Savage Gentlemen*. New York: D. Van Nostrand Co., Inc., 1929.
- Cowan, C.D. at O.W. Wolters (mga pat.). *Southeast Asian History and Historiography*. Ithaca: Cornell University Press, 1976.
- De Lisboa, Marcos. *Vocabulario de la lengua Bicol*. Manila: Est. Tip. del Colegio de Santo Tomás, 1865.
- Del Prado, Mariano Goyena. *Ibalon. Ethnohistory of the Bikol Region*. Salin mula sa Kastila ni Maria Lilia F. Realubit, Lunsod Legazpi: A.M.S. Press, 1981.
- Deschamps. H. *Histoire de Madagascar*. Paris: Berger-Levrault, 1965.
- _____. *Histoire générale de l'Afrique, de Madagascar et des archipels, I: Des origines à 1800*, Paris: P.U.F..
- Dizon, Eusebio at Rey Santiago. *Faces from Maitum. The Archeological Excavation of Ayub Cave*. Manila: National Museum, 1996.
- Documentos ineditos relativos al descubrimiento, conquista y organización de las antiguas posesiones españolas del Ultramar*, seg. ser. public. por la R. Acad. de la Hist. 5.3, 2º de Filipinas, 1887.
- Dubois, H. M. *Monographie des Betsileo (Madagascar)*. Paris: Institut d'Ethnologie, 1938.
- Echols John M. at Hassan Shadily, *An English-Indonesian Dictionary*, Ithaca/London: Cornell University Press, 1975.
- Espinás, Merito. *Ibalong. The Bikol Folk-Epic Fragment*. Manila: U.S.T. Publishing House, 1996.
- Eugenio, Damiana L. *Philippine Folk Literature: The Legends*. Quezon City: U.P. Press, 2002.

- Feldman, Jerome (pat.). *The Eloquent Dead. Ancestral Sculpture of Indonesia and Southeast Asia*. Los Angeles: Museum of Cultural History, UCLA, 1985.
- Fox, Robert B. *The Tabon Caves. Archeological Explorations and Excavations on Palawan Island, Philippines*. Manila: National Museum, 1970.
- Francisco, Juan. *Maharadia Lawana*. Quezon City: Philippine Folklore Society, 1969.
- Gorospe, Vitaliano at Rene Javellana. *Virgin of Peñafrancia. Mother of Bicol*. Makati: Bookmark, Inc., 1995.
- Hamilton, Roy (pat.). *From the Rainbow's Varied Hue. Textiles of the Southern Philippines*. Los Angeles: UCLA Fowler Museum of Cultural History, 1998.
- Harrison, Tom at Barbara Harrison. *The Prehistory of Sabah*. Kota Kinabalu: Sabah Society, 1971.
- Hiroshi, Yuasa. *SEGAWA's Illustrated Ethnography of Indigenous Formosan Peoples. The Tsou*. Taipei: SMC Publishing, Inc., 2000.
- Hose, Charles at William McDougall. *The Pagan Tribes of Borneo*. London: Frank Cass & Co., Ltd., 1966.
- Jagor, Fedor. *Reisen in den Philippinen*. Berlin: Weidmannsche Buchhandlung, 1873.
- _____. *Travels in the Philippines*. Manila: Filipiniana Book Guild, 1965.
- Jocano, F. Landa. *Philippine Prehistory*. Quezon City: Philippine Center for Advanced Studies, 1975.
- Kamus Dwibahasa. Bahasa Inggeris-Bahasa Malaysia*. Kuala Lumpur: Dewan Bahasa dan Pustaka, 1985.
- Kano, Tadao. *Prehistorical Study and Ethnology in Southeast Asia*. Tokyo: Tajima Publishing Co., 1946.
- Kempers, A.J. Bernet. *The Kettledrums of Southeast Asia*. Rotterdam: A.A. Balkema Publishers, 1988.
- Linangan ng Wikang Pilipino, *Diksiyunaryo ng Wikang Pilipino*. Metro Manila: National Bookstore, Inc., 1989.
- Main, Dorothy at Robert Fox. *The Calatagan Earthenwares. A Description of Pottery Complexes Excavated in Batangas Province, Philippines*. Manila: National Museum, 1982.
- Maramba, Roberto. *Form and Splendor: Personal Adornment of Northern Luzon Ethnic Groups, Philippines*. Makati City: Bookmark, 1998.
- Marcos, Ferdinand. *Tadhana. The History of the Filipino People*. Volume II: Part One. Manila: Malacañang, 1976.
- McDonald, J. at I. Haskovec (mga pat.). *State of the Art Regional Rock Art Studies in Australia and Melanesia*. Melbourne: Australian Rock Art Research Association, 1992.
- Metcalf, Peter. *A Borneo Journey into Death: Berawan Eschatology from its Rituals*. Philadelphia: University of Pennsylvania Press, 1982.
- Mintz, Malcolm Warren at José del Rosario Britanico. *Bikol-English Dictionary. Diksiyonaryong Bikol-Inglés*. Quezon City: New Day Publishers, 1985.
- Mojares, Resil. *Waiting for Mariang Makiling. Essays in Philippine Cultural History*. Quezon City: Ateneo de Manila University Press, 2002.
- Mokhtar, G. (pat.). *General History of Africa, II: Ancient Civilization of Africa*. California: Heinemann, UNESCO, 1981.
- Navarro, Atoy, Mary Jane Rodriguez at Vic Villan (mga pat.). *Pantayong Pananaw: Ugat at Kabuluhan. Pambungad sa Pag-aaral sa Bagong Kasaysayan*. Lunsod Quezon: Palimbagan ng Lahi, 2000.
- Nordholt, H.G. Schulte. *The Political System of the Atoni of Timor*. The Hague: Martinus Nijhoff, 1971.
- O'Brien, James. *The Historical and Cultural Heritage of the Bicol People*. Ateneo de Naga, 1968.
- Pambid, Nenita. *Anting-Anting. Kung Bakit Nagtago sa Loob ng Bato si Bathala*. Quezon City: U.P. Press, 2000.
- Paterno, Maria Elena P. *Treasures of the National Museum*. Makati: Bookmark, Inc., 1995.
- Paterno, Maria Elena P., Sandra B. Castro, Rene B. Javellana, S.J. at Corazon S. Alvina. *Dream Weavers*. Makati City: Bookmark, Inc., 2001.
- Peralta, Jesus. *The Alicia Laya Collection of Earthenware at the De La Salle Museum*. Manila; De La Salle University Press, 1995.
- Realubit, Maria Lilia. *Bikols of the Philippines*. Naga City: A.M.S. Press, 1983.
- Roth, Henry Ling. *The Natives of Sarawak and British North Borneo*. Kuala Lumpur: University of Malaya Press, 1968.
- Roces, Alfredo R. (pat.). *Filipino Heritage. The Making of a Nation*. Maynila: Vera Reyes, Inc., w.p.

- Salazar, Zeus A. *The Malayan Connection. Ang Pilipinas sa Dunia Melayu*. Lunsod Quezon: Palimbagan ng Lahi, 1998.
- _____ (Tagasalin). Karl Marx at Friedrich Engels, *Manifesto ng Partido Komunista*, Lunsod Quezon: Palimbagan ng Lahi, 2000.
- Schärer, Hans. *Ngaju Religion. The Conception of God among a South Borneo People*. The Hague: Martinus Nijhoff, 1963.
- Scheans, Daniel. *Filipino Market Potteries*. Manila: National Museum, 1977.
- Schmidt, Wilhelm. *Die Sprachfamilien und Sprachkreise der Erde*. Heidelberg: Carl Winters Buchhandlung, 1924.
- Solheim II, Wilhelm. *Archeology of Central Philippines*. Quezon City: U.P. Press, 2002.
- Thong, Pham Huy. *Dong Son Drums in Vietnam*. Hanoi (?): The Vietnam Social Science Publishing House, 1987.
- Tillema, F.H. *A Journey among the Peoples of Central Borneo in Word and Picture*. Singapore: Oxford University Press, 1989.
- Van der Hoop, A.N.J. Th. À Th. *Indonesische Siermotieven. Ragam-Ragam Perhiasan Indonesia. Indonesian Oriental Design*. Bandoeng: Koninklijk Batiaviaasch Genootschap van Kunsten en Wetenschap, 1949.
- Vidal y Soler, S. *Viajes por Filipinas de F. Jagor*. Madrid: Imprenta Estereotipa de Aribau y Cia., 1875.
- Villegas, Ramon R. *Kayamanan: The Philippine Jewelry Tradition*. Manila: The Central Bank of the Philippines, 1983.
- Wu, Ching-Hong. *A Study of References to the Philippines in Chinese Sources from Earliest Times to the Ming Dynasty*. Quezon City: University of the Philippines Press, 1959.
- Zamora, Mario (pat.). *Studies in Philippine Anthropology*. Quezon City: Alemar Phoenix, 1967.

Mga Monograp, Artikulo sa Aklat, Jurnal at Magasin

- Ballard, Chris. "Painted Art Sites in Western Melanesia: Locational Evidence for an 'Austronesian' Tradition," nasa: McDonald at Haskovec (mga pat.), *op. cit.*, pah. 96-128.
- Barbosa, Artemio C. "Traditions textiles des Philippines," nasa: Battesti at Schubnel, *op.cit.*, pah. 91-96.
- Bellwood, Peter S. "Austronesian Prehistory in Southeast Asia: Homeland, Expansion and Transformation," nasa: Bellwood *et al* (mga pat.), *op. cit.*, pah. 96-111.
- Calleja-Reyes, José. "Ibalon: An Ancient Bicol Epic," *Philippine Studies*, Vol. 16 (April 1968).
- Dizon, Eusebio. "Maguindanao Prehistory: Focus on the Prehistory of the Anthropomorphic Potteries at Pinol, Maitum, Cotabato, Mindanao, Philippines," *National Museum Papers*, 4:1 (1993)
- _____. "Stones of the Sea," nasa: Casal *et al*, *Earliest Filipinos*, pah. 127-133.
- _____. "Tigkiw na Saday: A Jar Burial Site," *Anthropological Papers No. 2*. National Museum, Manila, Philippines, 1977.
- _____. "Vessels to the Afterlife," nasa: Casal *et al*, *Earliest Filipinos*, pah. 93-111.
- Eugenio, Damiana L. "134(a). Mariang Makiling," nasa: Eugenio, *op. cit.*
- Francisco, Juan R. "Darangen: the Loves and Wars of a Kingdom," *Filipino Heritage*, III, pah. 655-657
- Fox, Robert B. "The Jade Mystique," *Filipino Heritage*. Manila: Lahing Pilipino Publishing, 1977, II, pah. 303-308.
- _____. "The Calatagan Excavations: Two Fifteenth Century Burial Sites in Batangas, Philippines," *Philippine Studies*, VII:3 (August 1959).
- Garcia, Mariano. "Maria Makiling's Golden Spoons," *Philippines Free Press* (12 May 1962).
- Grandidier, Alfred. "Des rites funéraires chez les Malagaches," *Revue d'Ethnographie*, V, Paris: Ernest Leroux, 1886.
- Harrison, Barbara. "A Classification of Stone Age Burials from Niah Goat Cave," *Sarawak Museum Journal*, XV (1967): pah. 126-199.

- Harrison, Tom at Barbara Harrison. "Magala: A Series of Neolithic and Metal Age Burial Grottoes at Sekaloh, Niah, Sarawak," *Journal of the Malaysian Branch of the Royal Asiatic Society*, XLI:2 (1973).
- Hemudu Site Museum. Yuyao Chejiang China, w. petsa; at Kaisa para sa Kaunlaran, Inc. An Introduction to the Hemudu Photo Exhibit, w.petsa.
- Jocano, F. Landa. "Beyer's Theory on Filipino Prehistory and Culture: An Alternative Approach to the Problem," nasa: Zamora, *op. cit.*, pah. 128-250.
- Kaneko, Erika. "Glimpses at the Other World: Traditional Mortuary Practices of the Atayal," nasa: Blundell (pat.), *Austronesian Taiwan*.
- Kimuell-Gabriel, Nancy. Ang Timawa sa Kasaysayang Pilipino. *Bagong Kasaysayan*, Blg. 3, Lunsod Quezon: Palimbagan ng Lahi, 1999.
- Laong Laan (José Rizal). "Marianang Makiling," *La Solidaridad*. (31 Disyembre 1890). Salin sa Ingles ni Guadalupe Fores-Ganzon (Quezon City: U.P. Press, 1973).
- Laufer, Berthold. "Postscript" sa: Fay-Cooper Cole, *Chinese Pottery in the Philippines*. Publication 162. Field Museum of Natural History. Anthropological Series. XII:1.
- Leong, San Heng. "Belief Systems in Prehistoric Times," nasa: Nik Hassan Shuhaimi at Nik Abdul Rahman (mga pat.). *The Encyclopedia of Malaysia*, Tomo 4: *Early History*.
- Maceda, Marcelino. "Preliminary Studies of the Figures and Ornamentation of Some Selected Jar Covers from Kulaman Plateau (Southwestern Cotabato), Island of Mindanao, Philippines," *Anthropos* LXII (1967).
- Madale, Nagasura T. "The Maranao Flags," nasa: Hamilton (pat.), *op.cit.*
- Main, Dorothy. "The Calatagan Excavations: Two Fifteenth Century Burial Sites in Batangas, Philippines," *Philippine Studies*, VII:3. (August 1959).
- Maquiso, Elena. "The Ulahigan: A Manobo Epic," *Silliman Journal* (Third Quarter, 1969).
- Mojares, Resil B. "Waiting for Marianang Makiling" nasa: Mojares, *op. cit.*
- O'Connor, Sue. "Nine New Painted Rock Art Sites from East Timor in the Context of the Western Pacific Region," *Asian Perspectives*, vol. 42: no. 1, 2003, pah. 96-128.
- Opeña, Ludivina. "The Battle of Nalandangan: A Bukidnon Folk-Epic," *Kinaadman. A Journal of the Southern Philippines, Cagayan de Oro*. (1979), pah. 151-227.
- Peñalosa, Ma. Carmen V. "Ang Tadhana ng Timawa hanggang sa Himagsikang 1896. Isang Foto-sanaysay," nasa: Kimuell-Gabriel, *loc.cit.*, pah. 25-40.
- Peralta, Jesus T. "Petroglyphs and Petrographs," nasa: Casal *et al*, *Earliest Filipinos*, pah. 134-143.
- Postma, Antoon. "The Laguna Copper-Plate Inscription (LCI). A Valuable Philippine Document," *National Museum Papers*, II:1 (1991).
- Realubit, Ma. Lilia. "Artifact and Artefact," *Ani*, V:2. (Setyembre 1991).
- Reinecke, Andreas. "Ohrringe mit Tierkopffenden in Südostasien," *Beiträge zur Allgemeinen und Vergleichendem Archäologie*, XVI (1996).
- Respicio, Norma. "Philippine Textiles: A Historical Overview," *SPINCycle: The Textile Collection of the Cultural Center of the Philippines*. Manila: CCP Catalogue Production, 2001.
- Riol, Apolinar Pastrana. "Fr. Bernardino Melendreras (1815-1867) y su obra poética sobre la región del Bicol (Filipinas)," *Missionalia Hispanica* (Madrid), XXXIX (1982), pah. 85-180.
- Saber, Mamitua. "Darangen: The Epic of the Maranaws," *Journal of History*, X:3. (Setyembre 1962).
- Salazar, Z. A. Ang Babaylan sa Kasaysayan ng Pilipinas. *Bagong Kasaysayan*, Blg. 4 (1999).
- _____. "Ang Bisa ng Yungib sa Kasaysayan," *Philippine Agenda*, V:26 (1-15 Setyembre 1993).
- _____. Ang Kartilya ni Emilio Jacinto at ang Diwang Pilipino sa Agos ng Kasaysayan. *Bagong Kasaysayan*, Blg. 6 (1999).
- _____. "Ang Yungib bilang Libingan sa Pilipinas, Indo-Malaysia at Madagascar" nasa: Salazar, *Malayan Connection*, pah. 369-370.
- _____. "Balangkas ng Kasaysayan ng Pilipinas" (2000) nakalakip sa: Salazar (tagasalin), Marx at Engels, *Manifesto*.
- _____. "La grotte comme lieu d'enterrement aux Philippines et au Madagascar," nasa: Salazar, *Malayan Connection*, pah. 239-258.

- _____. Si Andres Bonifacio at ang Kabayanihang Pilipino. *Bagong Kasaysayan*, Blg. 2 (1997).
- _____. "The Matter with Influence: Our Asian Linguistic Ties," nasa: Salazar, *Malayan Connection*, pah. 71-74.
- _____. "The Malay World: Bahasa Melayu in the Philippines," nasa: Salazar, *The Malayan Connection*, pah. 81-107.
- Solheim II, Wilhelm G. "Remarks on the ling-ling-o and bi-cephalous ornaments," *Journal of the Hongkong Archaeological Society*, X (1983).
- Sumnik-Dekovich, Eugenia. "The Significance of Ancestors in the Arts of the Dayak of Borneo" nasa: Feldman, *op. cit.*
- Tsang, Cheng-hwa. "The Prehistory of Taiwan: A Brief Introduction," Programme. Seventeenth Congress, The Indo-Pacific Prehistory Association, September 9-15, 2002.
- Tyron, Darell. "Proto-Austronesian and the Major Austronesian Subgroups," nasa: Bellwood *et al*, *The Austronesians*.
- Umali, Nita. "Mountain and Myth, The Legend of Maria Makiling," *Sunday Times Magazine* (20 October 1963).
- Vérin, P. "Madagascar," nasa: G. Mokhtar (pat.), *op. cit.*
- Wolff, John U. "Malay Borrowings in Tagalog," nasa: Cowan at Wolters (mga pat.), *op. cit.*

Mga Tesis, Disertasyon at Di-limbag na Pananaliksik

- Almeda, Ermelo M. "A Study of the E.M. Almeda Archeological Collection: Focus on Burial Jars." Papel para sa Anthropology 215 sa ilalim ni Prop. E. Arsenio Manuel, Unang Semestre 1989.
- _____. "The Burial Jar Stone Covers of Casiguran." Papel para sa Archeology 216 sa ilalim ni Prop. Euzebio Dizon, w.p.
- Covar, Prospero R. *Iglesia Watawat ng Lahi. An Anthropological Study of a Social Movement in the Philippines*. Ph.D. Dissertation, University of Arizona, 1975.
- Glover, Ian. *Excavations in Timor*. Disertasyong Pandoktorado, Department of Prehistory Research School of Pacific Studies. Canberra: Australian National University, 1972.
- Isorena, Efren. *Sakayan sa Pagbubuo ng Banua: Pandan mula ika-12 siglo hanggang 1948 (Panimulang Pagbabalangkas sa Kasaysayan ng Catanduanes)*. Tesis Masteral sa Kasaysayan. Lunsod Quezon: U.P. DAPP, 1998.
- O'Brien, James J. *The Historical and Cultural Heritage of the Bicol People*. Ateneo de Naga, 1968.
- Realubit, Maria Lilia at Ermelo M. Almeda. "The Libmanan Find: An Analisis." Kompyuterskript, 11 pah., w. petsa.
- Realubit, Maria Lilia. "A Descriptive Translation Study of the Bicol 'Ibalon.'" Manuskrito, w. pah., w. petsa.
- Respicio, Norma. *Abra Textile Weaving: Society, Religion, and Art*. Lunsod Quezon: University of the Philippines (Diliman) M.A. Thesis in Art History, 1989.
- Ronquillo, Wilfredo P. "The Butuan Archeological Finds: Profound Implications for Philippine and Southeast Asian Prehistory," Mimeo, w. petsa.
- Salazar, Z. A. "Arkeolohiya at Etnograpiya: Tipolohiya o Kultura? Ilang Suliranin ng Pagtingin sa Kaso ng Ilihan at ng Sagisag ng Araw sa Kapilipinuhan." Papel na binasa sa 23rd Ugat National Conference: "Bridging the Generations in Philippine Anthropology." Recto Hall, Faculty Center, U.P. Diliman, 29 Oktubre 2001.
- _____. "Wika, Kalinangan at Kasaysayan. Ang Pantayong Pananaw sa Pagbubuo ng P/Filipinolohiya." Papel na binasa bilang Pasinayang Panayam sa Seryeng Panayam sa Filipinolohiya. Bulwagang Tereso Lara, Pamantasang De La Salle (Taft), 27 Agosto 2003; at sa: Seminar-workshop ukol sa "Filipinolohiya: Pananaw, Pagsusuri at Direksyon." Conference Room, Gusaling Don Enrique Yuchengco, Pamantasang De La Salle (Taft), 29 Abril 2004.
- _____. "Kasaysayang Bayan (Etnokasaysayan/Ethnohistory)." Panayam sa mga Filipino-Americans. Bulwagang Rizal, KAL, U.P. Diliman, 8 Hulyo 2004.
- Tonsay, Omar. *Pakikidigmang Ampibyo: Pag-uugat sa Kasaysayan ng Pilipinas*. Tesis Masteral sa Kasaysayan. Lunsod Quezon: U.P. DAPP, 1998.